

PABLO TI' TS'IJBU JUN CHA'AN JINI AÑO' BA TI ROMA

Pablo mi' ts'ijbubeñob jun ochemo' bΛ ti' t'an Dios ya' ti Roma

¹ Joñon Pablojon. Ajtroñelon i cha'an Jesucristo. Dios ti' pΛyΛyon cha'an yajcΛbil bΛ ajsubt'an ñumel i cha'an. Ti yΛq'ueyon ili toñel cha'an mic sub majlel jini wen bΛ t'an cha'an laj cotyΛntyel.

² JiñΛch jini wen bΛ t'an tsa' bΛ i wΛ subu Dios ti ñoj oniyix ti jini ts'ijbubil bΛ i t'an. Dios ti' c'ΛñΛ jini tsa' bΛ i xiq'ui i yΛle' cha'an i ts'ijbun ili t'an.

³ Jini wen bΛ t'an mi' subeñonla cha'an lac Yum Jesucristo i YalobilΛch Dios. Mi' subeñonla cha'an ti ch'ocΛ wΛ' ti mulawil cha'an i ch'Λme' i bΛc'tyal che' bajche' quixtyañu jach. Ti loq'ui ti i jiñΛjlel ñuc bΛ yumΛl David bΛ i c'aba'.

⁴ Cha'an ti cha' tyejchi loq'uel ba'an sajtyemo' bΛ, ti tsictiyi cha'an mach quixtyañu jach Jesucristo pero yoque Yalobil Dios am bΛ i p'ΛtyΛlel. Ch'ujulΛch i Ch'ujlel Cristo.

⁵ Cha'an jach ti yutsllel i pusic'al, Dios ti yΛq'ueyon lojon c toñel cha'an ti lac Yum Jesucristo cha'an mic sub majlel i t'an ti ba'ical jach an quixtyañujob ti pejtyelel pañimil tyac cha'an mi quejel i ch'ujbiñob lac Yum Jesucristo yic'ot mi quejel i jac'ob.

⁶ Jatyetla je'el pΛybiletla ti Dios cha'an mi la' wajñel ti i cha'an Jesucristo.

7 Chancol c ts'ijbubeñetla jun ti pejtyelet b_Λ la ya' b_Λ añetla ti Roma, p'unty_Λbilet b_Λ la i cha'an Dios. Dios ti' p_Δy_Δyetla cha'an la' wac' la' b_Λ Dios cha'an i cha'añetla. La' ajniquetla ti i yutslel i pusic'al Dios yic'ot i ñach'ty_Λlel ty_Λlem b_Λ ti Dios lac Tyat yic'ot ti lac Yum Jesucristo.

Pablo yom majlel ti Roma

8 Ñaxan mic suben Dios wocox i y_ΛΛ cha'an ti Jesucristo cha'an ti la' pejtyeel. Como ti pejtyeel mulawil chancol i lu' yubiñob bajche' ñoj xuc'ul chancol la' ch'ujbin cha'an melel_Λch jini wen b_Λ t'an.

9 Mic cha'liben i toñel Dios ti jump'ej c pusic'al. Mic sub majlel jini wen b_Λ t'an cha'an an laj coty_Λntyel che' mi lac ch'ujbin i Yalobil Dios. Dios yujil isujm che' mic cha'len oración, mic bej tya-jetla ti oración.

10 Mic bej c'ajtiben Dios, mi ch_Λ'_Λch yom i pusic'al, cha'an mi an bajche' mi y_Λq'ueñon c majlel cula'añetla che' bajche' tic pensali c cha'len c'_ΛΛ wajali.

11 Como wersa com cula'añetla cha'an mij c_Λntisañetla ti yamb_Λ i sujmllel tyac tsa' b_Λ i c_Λntis_Δyon Ch'ujul b_Λ i Ch'ujlel Dios cha'an mi la' más xuc'chocon la' pusic'al ti Dios.

12 Jini com b_Λ c_Λl, jiñach che' ya' añon la' wic'ot mi lac motin ñuc isan lac pusic'al cha'an bajche' chancol lac motin ch'ujbin cha'an ajcotyaya lac cha'an Cristo.

13 Quermañujob, com mi la' ña'tyan cha'an cabal tic jop'o cula'añetla pero c'_ΛΛ wale ma'an ti mejliyon. Com c majlel ti cubi, cha'an Dios mi'

c'añon cha'an mij c'antisañob ti wen b_Λ t'an ya' ba'añetla, cha'an mi' tyajob i coty_Λntyel ti Cristo lajal bajche' quixtyañujob ti yamb_Λ pañimil tyac je'el che' tic subeyob i t'an Dios.

¹⁴ An tic wenta mic sub majlel i t'an Dios ba'an ti pejtyelel quixtyañujob ba'ical jach añob, mi c'antis_Λabil o mi mach'an c'antis_Λabil, mi añob cab_Λl i ña'ty_Λbal o mi mach'an i ña'ty_Λbal.

¹⁵ Jin cha'an, ti jump'ej c pusic'al wersa com c subeñetla jini wen b_Λ t'an cha'an laj coty_Λntyel jatyetla je'el ya' b_Λ añetla ti Roma.

Jini wen b_Λ t'an, jiñach p'aty_Λl b_Λ

¹⁶ Como joñon mach'an mij quisnin jini wen b_Λ t'an cha'an laj coty_Λntyel. I cha'añach Dios jini wen b_Λ t'an. Jin cha'an an i p'aty_Λlel cha'an i cotyan majchical jach mu' b_Λ i ch'ujbin ti' pusic'al. Ti ñaxan jini jach ti subentiyon lojon israelon b_Λ lojon. Pero wale mi subentyel majchical jach, mi israelob o mi mach israelobic.

¹⁷ Como jini wen b_Λ t'an mi' tsictis_Λbeñonla bajche' Dios mi' q'uel ti tyoj majchical jach b_Λ quixtyañu. Mi q'uejlel ti tyoj cha'an jach mi' ch'ujbin ti' pusic'al. Ma'an yamb_Λ bajche' mi mejlel i q'uejlel ti tyoj. Ti Ts'ijbubil b_Λ i T'an Dios mi y_Λl: Majchical jach mi' ch'ujbin cha'an ajcotyaya i cha'an Jesucristo mi q'uejlel ti tyoj ti Dios. Mi quejel i y_Λq'uentyel tsiji' b_Λ i cuxty_Λlel. Che' ts'ijbubil.

Lu'an i mul quixtyañujob

¹⁸ Mi tsictiyel cha'an Dios ya' b_Λ an ti panchan mi quejel i y_Λq'uen i xot'ob i mul jini mach b_Λ saj yom i ch'ujbin i t'an yic'ot jini mu' b_Λ i cha'len i

simaronlel. Cha'an ti caj jini mu' b_Λ i cha'len mi' m_Λty_Λbeñob yaño' b_Λ i cañob jini melel b_Λ t'an.

19 Ch_Λ'_Λch mi' cha'leñob aunque mi' wen ña'tyañob cha'an an Dios, como Dios i bajñel mi' lu' aq'u_{en} quixtyañu i ña'tyañob.

20 Mach'an mi laj q'uele' Dios pero mi lac ña'tyan cha'an añach Dios che' mi laj q'uel ch_Λ b_Λ yes ti' mele. C'_Λl_Λ ti ñoj oniyix che' ti mejli mulawil c'_Λl_Λ wale iliyi, cha'an ti caj i cha'libal ti' wen tsictiyi cha'an Dios_Λch am b_Λ i p'_Λty_Λlel mach'_Λ yujil jilel. Jin cha'an mach'an majch ch'ujbi i y_Λle' cha'an mach'an ti' ña'ty_Λ mi an Dios.

21 Pero aunque ti' c_Λñ_Λyob cha'an jiñ_Λch Dios, mach'an ti' q'ueleyob ti' ñuc che' bajche' Dios, mach'an ti y_Λq'ueyob wocox i y_Λl_Λ. Mach'an sajlic i c'_Λj_nibal pejtyel ch_Λ b_Λ yes ti' pensaliyob. Ti lu' asiya i pusic'al ti bibajax b_Λ i pensal. An ti ic'ty_ojñal i pusic'al yubil.

22 Ti' lolon ña'ty_Λyob añob i ña'ty_Λbal. Pero ti i cha'libal ti' tsictiyi mach'an i ña'ty_Λbal. Tontojob.

23 An i ñuclel jini Dios mach'_Λ saj yujil sajtyel. Pero quixtyañujob ti' lolon q'uexeyob Dios ti i loc'om tyac quixtyañujob yujil b_Λ sajtyel. Jinic tyo ti' cuyuyob ti Dios i loc'om tyac xma'tye'mut, yic'ot i loc'om tyac lucum yic'ot i loc'om tyac ch_Λ b_Λ animal tyac am b_Λ ch_Λnts'ijt i yoc.

24 Cha'an ti caj che' ti' cha'liyob, Dios ti' c_Λy_Λ jini quixtyañujob cha'an i cha'leñob ch_Λ b_Λ jach b_Λ i tsuculel bajche' mi' bajñel pensaliñob ti' pusic'al. Ñoj quisintic jini tsa' b_Λ i cha'leyob yic'ot i pi'_Λlob.

25 Como jini quixtyañujob mach yom i ch'ujbiñob jini melel b_Λ t'an cha'an mi' c_Λñob Dios, pero mi'

ch'ujbiñob lot b_Λ t'an. Ti' ch'ujutis_Λyob i melbal Dios. Ti' q'ueleyob ti ñuc. Pero mach'an ti' ch'ujutis_Λyob Dios tsa' b_Λ i lu' mele pejtyelex ch_Λ b_Λ an tyac. Jiñach jini yom b_Λ mi sujbel ti ñuc ti bele' ora. Amén.

²⁶ Pero cha'an mach'an ti' ch'ujutis_Λyob Dios pero ti' ch'ujutis_Λyob i melbal jach, Dios ti' c_Λy_Λ cha'an i cha'leñob ñoj bibajax b_Λ i tsuculel. X'ixicob mach'an ti ajniyob yic'ot i ñoxi'al. Pero ti ajniyob yic'ot lajal x'ixico' b_Λ.

²⁷ Yic'ot winicob je'el mach'an ti ajniyob yic'ot i yijñam, pero ti laja ajniyob yic'ot lajal winicob b_Λ. Ñoj quisintic bajche' ti' cha'leyob. Pero ti aq'uentiyob i xot'e' ti i b_Λc'tyal jini bibajax b_Λ tsa' b_Λ i cha'leyob.

²⁸ Cha'an mach yom i pensalin mi an Dios, Dios ti' c_Λy_Λ cha'an i pensaliñob ch_Λ b_Λ jach b_Λ i tsuculel yic'ot i cha'leñob jini mach b_Λ yom i cha'leñob.

²⁹ But'ul i pusic'al ili quixtyañujob ti pejtyelex ch_Λ b_Λ mach'Λ wen tyac. An t'an yic'ot yamb_Λ winic yamb_Λ x'ixic. Simarñob. Más on yom ch_Λ b_Λ yes an i cha'an. Ba'ic jach b_Λ i tsuculel mi' cha'len. Mi' mich'q'uel ch_Λ b_Λ an i cha'an yamb_Λ quixtyañujob. Ajts_Λansayob. Bele' periyal b_Λ t'an yom. Mi' lotin i pi'Λlob. Mi' ñajti tyajob ti leco b_Λ t'an i pi'Λlob. Mi' cha'len jop't'an.

³⁰ Mi' sub ti mach b_Λ wen b_Λ t'an yaño' b_Λ. Mi' tsa'q'uel Dios. Mi' q'uel ti pec' i pi'Λlob. Mi' lolon chan isan i b_Λ ti' tyojlel i pi'Λlob. Mi' lolon bajñel sub i ñuclel. Mi' bej pensalin bajche' ch'ujbi i cha'len yamb_Λ simaronlel. Mach'an mi' jac'ben i t'an i tyat i ña'.

³¹ Mach'an mi' ch'Λmbeñob isujm chΛ bΛ wen, chΛ bΛ mach wen. Mach'an mi' ts'Λctisan chΛ bΛ mi' lolon alob. Mach'an mi' cha'len p'untyaya. Mach'an mi' ñusΛben i mul i pi'Λlob. Mach'an mi' p'untyan yaño' bΛ cha'an i cotyañob.

³² Mi' ña'tyañob cha'an Dios ti yΛΛ cha'an majchical mi' cha'len che' bajche' jini yom sajtyel cha'an i xot'e' i mul. Aunque mi' ña'tyan cha'an ch'Λch ti yΛΛ Dios, mi' bej cha'len jini mach bΛ wen yic'ot je'el mi' mulan i q'uel che' yaño bΛ mi' cha'leñob.

2

Dios mi' cha'len tyoj bΛ melojel

¹ Jin cha'an jatyet mu' bΛ a sub i mul majchical jach bΛ a pi'Λlob cha'an jach a wom a bajñel otsan a bΛ che' bajche' ajmel mulilet, mi' tsictiyel an a bajñel a mul je'el. Como jini mu' bΛ i sub i mul i pi'Λlob lajalΛch mi' cha'len mulil bajche' mi' sube' an i cha'an i pi'Λl.

² Pero la cujil isujm cha'an yoque tyoj mi' cha'len melojel Dios che' mi' mele' quixtyañu mu' bΛ i cha'len ili tyac.

³ Ixcu jatyet mu' bΛ a sub i mul a pi'Λlob pero lajalΛch ma' bajñel cha'len, ¿ch'ujbi ba a puts'tyan i melojel Dios ma' lon al? Mach ch'ujbi.

⁴ ¿ChΛncol ba a p'aje' i yutslel i pusic'al Dios? Mach'an ma' saj ña'tyan yubil chucoch ma'an mi' wa' melet. ChΛncol a lolon q'uel che' bajche' lolom jach i yutslel i pusic'al Dios. Pero cha'an ti caj i yutslel chΛncol i jal pijtyañet cha'an a q'uextyan a pensal cha'an a cΛye' a mul.

⁵ Pero tsats a pusic'al. Mach a wom a q'uextyan a pensal cha'an a cΛye' a mul. Jin cha'an chΛncol

jach a woc' isan a xot'mulil mu' b_Λ a wersa xot'e' ti jim b_Λ q'uin che' Dios mi quejel i y_Λc' tyoj b_Λ melojel bajche' yom.

⁶ Dios mi quejel i y_Λq'uen jujuntiquil jiñ_Λch bajche' ti' cha'le.

⁷ Jini mu' b_Λ i bele' cha'len wen b_Λ cha'an wersa yom mi q'uejlel ti ñ_{uc} ti Dios yic'ot wersa yom jini wen tyac b_Λ mach'_Λ yujil jilel, mi quejel i y_Λq'uentyel i cuxty_Λlel mach'_Λ yujil jilel.

⁸ Pero jini mu' b_Λ i cha'leñob bajche' yom i bajñel i pusic'al, mach'_Λ ba'an mi' jaq'ue jini melel b_Λ pero che' jach mi' cha'len mach b_Λ wen b_Λ, mi quejel i yubiñob i mich'lel Dios. Mi quejel i y_Λq'uentyelob i xot'ob i mul.

⁹ Ñoj mach kujch i wocol yic'ot i pensal mi quejel i yubiñob jujuntiquil mu' b_Λ i cha'len i simaronlel. Ch_Λ'_Λch mi quejel i ñaxan yubiñob jini israel b_Λ quixtyañujob tsa' b_Λ i cha'leyob simaronlel. Ti wi'il mi quejel i yubin jini mach b_Λ israelobic.

¹⁰ Pero jini israelob mu' b_Λ i bele' cha'len wen b_Λ mi quejel i sujbel ti ñ_{uc}, mi q'uejlel ti ñ_{uc} ti Dios. Mi quejel i y_Λq'uentyelob i ñ_Λch'ty_Λlel i pusic'al ti Dios. Ñaxan mi quejel i y_Λq'uentyelob jini israel b_Λ quixtyañujob, ti wi'il je'el jini mach b_Λ israelobic.

¹¹ Como Dios junlajal mi' q'uel quixtyañujob.

¹² Ti pejtyelelob tsa' b_Λ i cha'leyob mulil max tyo b_Λ ubibil i cha'an i mandar Moisés mi quejel i lu' jilelob cha'an i mul. Dios mach'an mi quej i c'añe' jini mandar tyac cha'an mi' melob. Jini tsa' b_Λ i yubiyob jini mandar tyac, pero ti' cha'leyob mulil, Dios mi quejel i c'añe' jini mandar cha'an mi' melob.

13 Como mach'an mi q'uejlel ti tyoj ti Dios jini mu' jach b_Λ i n_Λch'tyan bajche' ts'ijbubil ti mandar. Pero mi q'uejlel ti tyoj jini mu' b_Λ i ch'ujbin bajche' ts'ijbubil.

14 Pero jini mach b_Λ israelo' b_Λ quixtyañu mach'Λ ba'an i cha'an jini mandar tyac, che' ti i bajñel i pusic'al jach mi' cha'leñob che' bajche' ts'ijbubil ti mandar, che' bajche' an jini mandar tyac ti i pusic'al yubil.

15 Cha'an ti caj i cha'libal mi' p_Λs'ob che' bajche' ya' ts'ijbubil mandar tyac ti i pusic'al. Ti i pusic'al mi' ña'tyañob ch_Λ b_Λ yom i cha'leñob. Ti i pusic'al mi' pensaliñob mi añob i mul o mi tyojach i cha'libal.

16 Ch_Λ'ach mi quejel i yujtyel ti jim b_Λ q'uin che' Dios mi quejel i c'añe' Jesucristo cha'an mi' melob quixtyañujob cha'an jini tsa' b_Λ i mucu cha'leyob. Ch_Λ'ach mi y_Λle' ti jini wen b_Λ t'an cha'an laj coty_Λntyel ch_Λncol b_Λ c sub majlel.

Jini israelob yic'ot i mandar Moisés

17 Jini c pi'lob, jini israel b_Λ quixtyañujob, mi' xuc'chocoñob i b_Λ ti i mandar Moisés. Mi' lolon chan isañob i b_Λ cha'an weñach añob mi ylob cha'an i cha'añob Dios.

18 Yujilob isujm ch_Λ b_Λ yom Dios. Cha'an c_Λntis_Λbilob ti mandar tyac yujilob i yajcañob ch_Λ b_Λ wen.

19 Mi' lolon ña'tyañob cha'an ch'ujbi i p_Λse' i bijlel Dios jini mach'Λ ba'an mi' ña'tyañob. Mi' lolon ña'tyañob cha'an mi' p_Λs'eñob i s_Λclel pañimil jini año' b_Λ ti ic't'ojñal yubil. Ch_Λ'ach mi' lolon q'uelob i b_Λ.

20 Mi' pensaliñob cha'an ajtyoj isayajob cha'an jini sojquemo' bΛ yic'ot mi yΛlob cha'an yujilob i cΛntisañob jini mach'Λ cΛntisΛbilobic ti' t'an Dios. Mi' ña'tyañob cha'an ya' ti mandar tyac mi' tyajob i ña'tyΛbal yic'ot i sujmllel tyac.

21 Mi chΛ'ach yujilob i cΛntisan yaño' bΛ, ¿chucoch ma'ix mi' bajñel cΛntisañob i bΛ che' jini? Mi yΛlob cha'an mach wen i cha'len xujch'. ¿Chucoch mi bajñel cha'leñob xujch' che' jini?

22 Mi yΛlob cha'an mach wen mi' cha'leñob i tsuculel quixtyañujob. ¿Chucoch chΛ'ach mi' bajñel cha'leñob, che' jini? Mi' wen ts'a'q'uelob dios tyac melel bΛ ti c'ΛbΛl. Pero mi yochelob i xujch'iben chΛ bΛ an ya' ti i yotyotlel tyac.

23 Mi' wen chan isañob i bΛ cha'an cΛñΛlob i cha'an jini mandar tyac pero mi yΛc'ob ti wajlentyel Dios cha'an chΛncol i ñusañob jini mandar tyac.

24 Jin cha'an an i sujmllel jini Ts'ijbubil bΛ i T'an Dios ba' mi yΛle': Jini mach bΛ israelobic bΛ quixtyañujob mi' tyaje' Dios ti leco bΛ t'an cha'an ti caj i cha'libal jini israelo' bΛ. Che' mi yΛle' ti Ts'ijbubil bΛ i T'an Dios.

25 Como jini israel bΛ quixtyañujob melelΛch an i c'Λjnibal tsep pΛchΛlel i cha'an mi ti' ts'actisΛ ti pejtyelex bajche' xiq'uul ti i mandar Moisés mu' bΛ i jac'ob. Pero mi ti' ñusΛyob jini mandar tyac, che' bajche' mach'an ti tsepbenti i pΛchΛlel che' jini como chΛncol i yajñelob lajal bajche' mach bΛ israel bΛ quixtyañujob.

26 Yic'ot je'el, mi jini mach bΛ tsepbil i pΛchΛlel bΛ quixtyañu, jiñach jini mach bΛ israelob, mi tyojach mi' cha'len bajche' mi yΛle' ti mandar, lajal

mi quejel i q'uejlel che' bajche' jini tsepbil b_Λ i p_Λch_Λlel aunque mach tsepbil i cha'an.

²⁷ Como che' ts'_Λc_Λl mi' jac'ben jini mandar tyac jini mach b_Λ israel b_Λ quixtyañu jiñ_Λch jini mach b_Λ tsepbil b_Λ i p_Λch_Λlel, mi y_Λc' ti tsictiyel la' mul jatyetla mu' b_Λ la' ñusan mandar tyac, aunque an la' cha'an jini ts'ijbubil b_Λ mandar yic'ot je'el tsepbil la' p_Λch_Λlel.

²⁸ I ty_Λlel i cha'año' b_Λ Dios jini israelob. Pero ma'ix mi yochel ti i cha'an b_Λ Dios cha'an jach israel b_Λ quixtyañu i tyat i ña' mi cha'an jach mi' ch'_Λm i marcajlel tsep p_Λch_Λlel ti i b_Λc'tyal.

²⁹ Pero jini yoque israel b_Λ quixtyañu jiñ_Λch jini tsa' b_Λ y_Λc'_Λ ti tyoj is_Λntyel i pusic'al ti Ch'ujul b_Λ i Ch'ujlel Dios mach ti mandar tyac jach tsa' b_Λ ts'ijbunti ti quixtyañu. Jini yoque israel b_Λ, mach'an mi sujbel ti wen ti quixtyañu, pero ti Dios.

3

¹ ¿Am ba ch_Λ b_Λ och más wen che' israelob che' bajche' che' mach b_Λ israelo' b_Λ quixtyañu? ¿Am ba i c'_Λjnibal che' tsepbilix i p_Λch_Λlel winicob?

² Añ_Λch. An cab_Λl i c'_Λjnibal. Pero jini más c'_Λjnibal b_Λ, jiñ_Λch cha'an ti aq'uentiyob jini israelob i cañ_Λtyan jini t'an tsa' b_Λ subu Dios.

³ ¿Pero ch_Λ b_Λ mi yujtyel mi cha'tiquil uxtiquil ma'ix bej xuc'ul mi yajñelob? ¿Mach'a ba'an bej xuc'ul Dios aunque ma'ix xuc'ul quixtyañu? ¿O mu' ba i lajmel i ts'_Λctisan jini tsa' b_Λ i w_Λ al_Λ?

⁴ Mach'an. Mi sajlic. Aunque lu' xlotyob ti pejtyelel quixtyañujob, pero Dios b_Λ, lu' melel_Λch mi' cha'len ti pejtyelel ch_Λ b_Λ tyac jach mi' cha'len.

Ti' Ts'ijbubil b_Λ i T'an Dios mi' tyaje' Dios ti t'an. Mi y_Λle':

Jatyet Dios, che' ma' w_Λc' a t'an mi quejel i lu' ña'tyañob cha'an ñoj melez bajche' ma' w_Λle'.

Che' mi' pensaliñob quixtyañujob mi tyojety_Λch o mi ma'ix tyojet, mi quejel a loq'uel ti wen como ma'an majch ch'ujbi i saj ale' cha'an ma'ix tyojet.

Che' mi y_Λle' ti Ts'ijbubil b_Λ i T'an Dios.

⁵ Pero mi ti caj lac simaronlel mi más tsictiyel cha'an tyoj i pusic'al Dios, ¿chuqui yom mi la c_Λle' che' jini? ¿Yom ba mi la c_Λle' cha'an ma'ix tyoj mi' cha'len Dios che' mi y_Λq'ueñonla lac xot'e' lac mul? (Ch_Λncol c_Λle' bajche' mi lolon alob quixtyañujob.)

⁶ Mach'an. Mach che'ic yom mi la c_Λle'. Mi machic tyoj Dios, ¿bajche' ch'ujbi i melob quixtyañujob am b_Λ ti mulawil che' jini?

⁷ Pero an jini mu' b_Λ i lolon alob cha'an quixtyañujob mi' cotyan Dios che' mi' cha'leñob lot, como cha'an ti caj i lot mi wen tsictiyel cha'an ñoj melez_Λch tsa' b_Λ i y_ΛΛ Dios como Dios ma' ba' b_Λ ora mi' cha'len lot. Che' jini mi quejel i lolon alob: ¿Chucoch mi y_Λlon ti xmulil Dios mi ti caj c lot mi más tsictiyel i yutslel? lolon che'ob.

⁸ Mi lolon y_Λlob: ¿Mach ba yom mi lac bej cha'len lac simaronlel cha'an mi tsictiyel i wenlel Dios? Ch_Λ'_Λch muc'on lojon ti c_Λntisa mi lolon alob lamitalob. Pero ch_Λ'_Λch mi' lolon alob cha'an jach yom i y_Λc' ti y_Λsintyel lojon j c_Λntisa. Pero jini mu' b_Λ i y_Λl bajche' jini, yom ajlic cha'an mi quejel i xot' i mul.

Lu'an i mul quixtyañujob

⁹ ¿Bajche' yom mi lac pensalin che' jini? ¿Más ba weñonla israelon b_Λ la che' bajche' jini mach b_Λ israelobic ma' w_Λl? Mach'an. Mi sajlic. Como tsa'ix la quil_Λ cha'an an i mul israelob yic'ot mach b_Λ israelob como ti pejtyelelonla che' bajche' chuculonla ti i p'_Λty_Λlel mulil.

¹⁰ Ti Ts'ijbubil b_Λ i T'an Dios mi y_Λle':
Ma'an majch tyoj, mi junticlec.

¹¹ Ma'an majch yom i ch'_Λme' isujm.

Ma'an majch yom i ch'ujbin Dios.

¹² Ti pejtyelelob ti' t'uñuyob majlel yamb_Λ bij. Ti pejtyelelob ti s_Λty_Λob i b_Λ ti i simaronlel.

Ma'an majch mi' cha'len ch_Λ b_Λ wen, mi junticlec.

¹³ Tsucul i t'an che' bajche' i tyuwel muconib_Λl che' tyocol i ti'.

Lot jach muc'ob.

X_Λctyubil i t'an che' bajche' ti i venenojlel lucum.

¹⁴ Ch'_Λcojel jach b_Λ t'an mi' cha'leñob. Mi' wen wajleñob i b_Λ.

¹⁵ Ti saj ora jach wa' yom i ts_Λnsan i pi'_Λlob.

¹⁶ Cha'an ti caj bajche' mi yajñelob mi jis_Λbeñob i tijicñ_Λyel quixtyañujob. Mi y_Λq'ueñob i ñusan wocol.

¹⁷ Mach'an mi saj ña'tyañob bajche' mi ñach'tisañob jini yomob periyal.

¹⁸ Mach'an mi pensaliñob bajche' an Dios cha'an mi' b_Λc'ñan. Mach'an mi saj y_Λc' ti ñuc.

Che' mi y_Λle' ti Ts'ijbubil b_Λ i T'an Dios.

¹⁹ La cujil isujm cha'an ti pejtyelel quixtyañujob añob b_Λ ti' wenta jini oniyix b_Λ mandar yom i lu' jac'beñob bajche' ts'ijbubil ti mandar. Ma'an majch ch'ujbi i y_Λle' mach'an i mul como junlajal

an lac mul ti lac pejtyelex. Mi quejel lac wersa mel lac b Δ ya' ba'an Dios.

²⁰ Ma'an majch mi q'uejlex ti tyoj ti Dios cha'an jach i bele' jac'ben jini oniyix b Δ mandar. Como an jach i c' Δ jnibal jini mandar tyac cha'an i y Δ q'ueñonla lac ña'tyan cha'an xmulilonla.

An laj coty Δ ntyel cha'an mi lac ch'ujbin Cristo

²¹ Dios ch Δ ncol i y Δ q'ueñonla lac ña'tyan bajche' ch'ujbi laj q'uejlex ti tyoj ti i wut. Como tsiquil mach ch'ujbi laj q'uejlex ti tyoj cha'an i jac'bentyel i mandar Moisés. Jini ch Δ ncol b Δ i p Δ s'eñonla jiñ Δ ch jini tsa' b Δ i w Δ tyajle ti t'an ti jini oniyix b Δ mandar yic'ot jini tsa' b Δ i w Δ ts'ijbu jini tsa' b Δ i xiq'ui y Δ le' Dios ti ñoj oniyix.

²² Dios mi' q'uelonla ti tyoj che' mi lac ch'ujbin cha'an ajcotyaya lac cha'an Jesucristo. Majchical jach mi' ch'ujbin mi q'uejlex ti tyoj como Dios junlajal mi' q'uelonla.

²³ Como ti pejtyelex quixtyañu tsa'ix i lu' cha'leyob mulil. Ma'an majch mi q'uejlex ti ñuc ti Dios.

²⁴ Pero Dios cha'an ti i yutslex i pusic'al ti majtyan jach mi' q'uelob ti tyoj quixtyañujob. Ti coty Δ ntiyob ti Cristo Jesús.

²⁵ Dios ti' wa'choco Cristo cha'an i bec i ch'ich'el ti cruz cha'an i xot'ben i mul majchical jach mi' ch'ujbin ti' pusic'al. Cha'an ti y Δ c' Δ ti sajtyel Cristo cha'an i mul ti pejtyelex quixtyañujob, Dios ti' tsic-tis Δ cha'an tyoj Δ ch bajche' mi' cha'len.

²⁶ Pero che' ñac ti sajti Cristo ti cruz ti tsictiyi cha'an ñoj tyoj Δ ch Dios como ti q'uejli ti tyoj jini oniyix b Δ quixtyañujob pero mi' q'uel ti tyoj wale

iliyi je'el majchical jach mi' ch'ujbin ajcotyayajach i cha'an Jesús.

²⁷ ¿Bajche' ch'ujbi i chan isañob i b_Λ quixtyañujob che' jini? Mach ch'ujbi. ¿Chucoch mach ch'ujbi? Como mi ch'ujbiyach laj q'uejlel ti tyoj cha'an ts'acal ti lac lu' jac'be i mandar Moisés, an jini mu' b_Λ i chan isan i b_Λ ti caj, che' jini. Pero mach saj ch'ujbi i chan isañob i b_Λ como mach'an mi laj q'uejlel ti tyoj cha'an ti lac ch'ujbi mu' b_Λ i xic'onla jini mandar pero cha'an ti lac ch'ujbi Cristo ti lac pusic'al.

²⁸ Tsiquilach, che' jini, mi q'uejlel ti tyoj ti Dios quixtyañu cha'an jach mi' ch'ujbin cha'an ajcotyayajach i cha'añob Cristo. Dios mach'an mi' ch'am ti' wenta mi ti' jac'ayob bajche' ti xiq'uiyob ti mandar o mi mach'an ti' jac'ayob.

²⁹ Ixcu Dios, ¿jim ba i Dios jach israelob? ¿Mach ba jinic i Dios jini mach b_Λ israelobic je'el? Jiñachi. Como Dios, i Diosach israelob yic'ot mach b_Λ israelobic.

³⁰ Como an juntiquil jach Dios. Jiñach jini mu' b_Λ i q'uel ti tyoj majchical jach mi' ch'ujbin Cristo ti' pusic'al, mi israel b_Λ quixtyañu, jiñach jini tsepbil b_Λ i p_Λchalel o mi mach b_Λ israelob jiñach jini mach b_Λ tsepbil b_Λ i p_Λchalel.

³¹ ¿Mu' ba la quisaben i c'ajñibal jini mandar che' jini cha'an ti lac ch'ujbi cha'an Cristo ajcotyayajach lac cha'an? Mach'an. Mi sajlic. Pero mi lac más ña'tyan an i c'ajñibal jini mandar tyac.

4

Bajche' ti' ch'ujbi Dios Abraham

¹ Che' jini, mi quejel la cΛle': ¿Chuquiyes ti' cha'le jini lac yum ti ñoj oniyix Abraham bΛ i c'aba' cha'an ti q'uejli ti tyoj ti Dios?

² Como mi melelΛch tsa'iqui q'uejli ti tyoj ti Dios cha'an chΛ bΛ wen ti' cha'le, che' jini ch'ujbiyΛch i chan isan i bΛ ti caj. Pero mach ch'ujbi i chan isan i bΛ ti' tyojlel Dios.

³ Mi yΛle' ti Ts'ijbubil bΛ i T'an Dios bajche' ti q'uejli ti tyoj Abraham. Mi yΛl: Abraham ti' ch'ujbi cha'an melelΛch mi yujtyel ti pejtyelel jini tsa' bΛ i wΛ alΛ Dios. Jasal ti yubi Dios cha'an mi' q'uele' ti tyoj. ChΛ'Λch mi yΛle' ti Ts'ijbubil bΛ i T'an Dios.

⁴ Che' an majch mi' cha'len toñel mi yΛq'uentyel i tyojol cha'an jini tsa' bΛ i cha'le. Mach'an mi yΛq'uentyel che' bajche' mi i majtyan jach, pero mi yΛq'uentyel che' bajche' yoque i tyojol tsa' bΛ i ganari.

⁵ Pero ma'an chΛ bΛ ch'ujbi lac saj cha'len mu' bΛ i yΛq'uen Dios i q'uelonla ti tyoj. Pero mi' q'uelonla ti tyoj che' mi lac ch'ujbin cha'an melelΛch tsa' bΛ i yΛΛ Dios. Como Dios bΛ yi mi' q'uel ti tyoj xmulilob mu' bΛ i ch'ujbin.

⁶ Jini lac yum ti ñoj oniyix David bΛ i c'aba' ti yΛΛ bajche' an c'ajacña bΛ i yoj jini quixtyañu mu' bΛ i q'uejlel ti tyoj ti Dios che' mach'an chΛ bΛ ch'ujbi i bajñel cha'len mu' bΛ i yΛq'uen Dios i q'uele' ti tyoj.

⁷ David ti yΛΛ:

C'ajacña i yoj jini quixtyañu ñusΛbilix bΛ i simaron-lel, jini yΛpbilix bΛ i mul ti Dios.

⁸ C'ajacña i yoj jini quixtyañu mach bΛ ba'an mi q'uejlel ti xmulil ti lac Yum.

Che' ti yΛΛ David.

9 Ixcu jini tijicñiyel, ¿jini jach ba mi y_Λq'uentyelob jini tsepbil b_Λ i p_Λch_Λlel ma' w_Λ, o jim ba i cha'an je'el jini mach b_Λ tsepbil i p_Λch_Λlel? Ixcu jini Abraham, tsa'ix la c_ΛΛ cha'an ti q'uejli ti tyoj ti Dios cha'an ti' ch'ujbi melel_Λch mi yujtyel tsa' b_Λ subenti ti Dios.

10 Pero che' ñac ti q'uejli ti tyoj ti Dios jini Abraham, ¿tsepbilix ba i p_Λch_Λlel o max tyo tsepbilic? Ti q'uejli ti tyoj ti Dios che' max tyo tsepbil i p_Λch_Λlel.

11 Ti wi'il tyo ti tsepbenti i p_Λch_Λlel Abraham cha'an i sellojlel ti' b_Λc'tyal cha'an tsa'ix q'uejli ti tyoj ti Dios che' ñac max tyo tsepbil i p_Λch_Λlel cha'an ti' ch'ujbi cha'an melel_Λch tsa' b_Λ subenti ti Dios. Jin cha'an ti ochi Abraham ti i tyat yubil, ti pejtyelelob mu' b_Λ i ch'ujbiñob cha'an melel_Λch mu' b_Λ i y_Λ Dios, aunque ma'an ti tsepbentiyob i p_Λch_Λlel. Lajal bajche' Abraham, mi q'uejlelob ti tyoj ti Dios je'el.

12 Abraham i tyaty_Λch jini israelob tsa'ix b_Λ tsepbentiyob i p_Λch_Λlel. Pero mach cha'an jach ti tsepbentiyob i p_Λch_Λlel pero cha'an ti' ch'ujbiyob melel_Λch tsa' b_Λ i y_ΛΛ Dios che' bajche' ti' ch'ujbi Dios Abraham che' ñac max tyo ti tsepbenti i p_Λch_Λlel.

Dios mi y_Λq'ueñonla jini tsa' b_Λ i w_Λ a_Λ che' mi lac ch'ujbin

13 Dios ti' w_Λ sube Abraham yic'ot i jiñ_Λjlel cha'an mi y_Λq'uentyelob pañimil ti' wenta. Mach che'ic ti subentiyob cha'an ti caj Abraham ti' ch'ujbi jini mandar tyac, pero cha'an ti' ch'ujbi cha'an melel_Λch mi yujtyel ti pejtyelel tsa' b_Λ i subenti ti Dios. Che' jini ti q'uejli ti tyoj ti Dios.

14 Mi jini jach mi y_Λq'uentyelob pañimil ti' wenta jini mu' b_Λ i ch'ujbiñob jini mandar tyac, lolom jach i ch'ujbintyel Dios, che' jini. Mi che'iqui, ma'an sajlic i c'Λjnibal jini tsa' b_Λ i w_Λ al_Λ Dios.

15 Como jini mandar muc' jach i sub an xot'mulil cha'an i ñus_Λntyel mandar. Machic an mandar, mach'an i ñus_Λntyel mandar.

16-17 Jin cha'an ti' yutslel i pusic'al, Dios mi quejel i y_Λq'uen pañimil ti' wenta jini tsa' b_Λ i ch'ujbiyob cha'an melel_Λch jini tsa' b_Λ i w_Λ al_Λ Dios. Tsiquil_Λch che' jini, cha'an jini t'an tsa' b_Λ w_Λ subenti Abraham xuc'ul_Λch cha'an i jiñ_Λjlel Abraham je'el. Mach cha'anic jach i jiñ_Λjlel mu' b_Λ i ch'ujbiben i mandar Moisés, pero cha'an je'el jini mu' b_Λ i ch'ujbin cha'an melel_Λch i t'an Dios lajal bajche' ti' ch'ujbi Abraham. Como Abraham ti ochi ti lac tyat yubil, ya' ti' tyojlel Dios tsa' b_Λ i ch'ujbi. Ti Ts'ijbubil b_Λ i T'an Dios mi y_Λle': Tsa'ix cots_Λyet ti i tyat ti' tyojlel yonlel quixtyañujob ti cab_Λl pañimil tyac. Che' ts'ijbubil. Jiñ_Λch b_Λ Dios mu' b_Λ i cuxtisan sajtyemo' b_Λ, mu' b_Λ i mel ti' p'Λty_Λlel jach b_Λ i t'an jini tsiquil tyac b_Λ max tyo b_Λ ba'an ti yamb_Λ ora.

18 Aunque ma'an tsiquil ti' wut Abraham bajche' mi quej i ts'actiyel jini t'an tsa' b_Λ w_Λ subenti ti Dios, ti' bej ch'ujbi ti i xuc'ty_Λlel i pusic'al cha'an mi quejel i yochel ti tyat i yonlel quixtyañujob ti cab_Λl pañimil tyac bajche' ti w_Λ subenti ti Dios. Como ti w_Λ subenti: Ch_Λ'_Λch mi quejel i yajñel i yonlel a jiñ_Λjlelob. Che' y_Λlol.

19 Pero Abraham ma'an ti' saj c_Λy_Λ i ch'ujbin cha'an mi yujtyel jini tsa' b_Λ w_Λ subenti ti Dios, aunque ti' ña'ty_Λ ma'ix i p'Λty_Λlel cha'an mi ty_Λlel

i yalobilob yic'ot i yijñam como yomox i tyaj cien año i jabilelob.

²⁰ Pero wen xuc'ul ti' bej ch'ujbi jini t'an tsa' b_Λ w_Λ subenti ti Dios. Ma'an ti' saj c_Λy_Λ i ch'ujbin pero ti' más xuc'choco i pusic'al ti Dios. Ti' subu i ñuelcl Dios.

²¹ Ti jump'ej i pusic'al ti' ch'ujbi cha'an an i p'_Λty_Λlel Dios cha'an i cha'len ti pejtyecl jini tsa' b_Λ i w_Λ al_Λ mi quejel i cha'len.

²² Jin cha'an ti q'uejli ti tyoj ti Dios cha'an jach ti' ch'ujbi.

²³ Mach cha'anic jach Abraham ti ts'ijbunti ili t'an ba' mi y_Λl cha'an ti q'uejli ti tyoj cha'an ti' ch'ujbi mecl mi yujtyel bajche' ti w_Λ al_Λ Dios.

²⁴ Pero ti ts'ijbunti cha'añonla je'el. Como che' mi lac ch'ujbin Dios tsa' b_Λ tyeche loq'uel lac Yum Jesús ba'an sajtyemo' b_Λ, mux laj q'uejlecl ti tyoj ti Dios je'el.

²⁵ Como Dios ti y_Λc'_Λ ti ts_Λns_Λantyecl lac Yum Jesús cha'an i xot'beñonla lac mul. Ti cha' tyejchi loq'uel ba'an sajtyemo' b_Λ cha'an ch'ujbi laj q'uejlecl ti tyoj ti Dios.

5

Jini mu' b_Λ la c_Λq'uentyecl che' mi laj q'uejlecl ti tyoj

¹ Cha'an ti lac ch'ujbi cha'an Cristo mi' cotyañonla tsa'ix q'uejliyonla ti tyoj ti Dios. Jin cha'an tsa'ix utsis_Λbentiyonla lac pusic'al yic'ot Dios cha'an ti lac Yum Jesucristo.

² Ochemonixla ti i yutslcl i pusic'al Dios cha'an ti lac ch'ujbi cha'an Cristo mi' cotyañonla. Mi lac xuc'chocon lac b_Λ ti i yutslcl i pusic'al Dios. Tijicñayonla cha'an la cujil isujm mi quejel la

caq'uentyel i ñuclél Dios mu' b_Λ quej i tsictiyel ti lac tyojlel.

³ Mach jinic jach tijicñayonla cha'an jini ch_Λncol b_Λ lac pijtyan, pero tijicñayonla je'el cha'an lac wocol como la kujil isujm che' an lac wocol mi' p'Λty_Λlitisan lac pusic'al cha'an mi lac más cuche' ti wen.

⁴ Che' mi laj cuche' ti wen lac wocol mi' xuc'chocobeñonla lac pusic'al. Che' xuc'ul lac pusic'al tijicñayonla mi lac pijtyan jini mu' b_Λ i y_Λq'ueñonla Dios.

⁵ Che' mi lac pijtyan jini mu' b_Λ i y_Λq'ueñonla Dios, mach lolom mi lac pijtyan. Dios ti' c'Λñ_Λ Ch'ujul b_Λ i Ch'ujlel tsa' b_Λ i y_Λq'ueyonla cha'an i but'beñonla lac pusic'al ti i p'untyaya Dios cha'añonla.

⁶ Pero che' ñac mach ch'ujbi lac bajñel cotyan lac b_Λ che' ti yoque i yorojlel tsa' b_Λ i w_Λ yajc_Λ Dios, Cristo ti sajti ti cruz cha'an xmulilob.

⁷ Casi ma'an majch mu' b_Λ i y_Λlol y_Λc' i b_Λ ti sajtyel cha'an yamb_Λ quixtyañu aunque tyoj b_Λ quixtyañu. Pero c'o'ojl an jini mach'Λ saj yujil b_Λq'uen mu' b_Λ i y_Λc' i b_Λ ti sajtyel cha'an juntiquil ñoj uts b_Λ quixtyañu.

⁸ Pero Dios mi' p_Λs'eñonla cha'an mi' p'untyañonla como ti sajti Cristo cha'añonla che' ñac xmulilon tyo la.

⁹ Wale, cha'an mi laj q'uejlel ti tyoj ti Dios cha'an ti caj ti sajti Cristo cha'añonla, más tyo melel mi quej i cotyañonla Cristo cha'an mach'an mi quejel lac majlel ti xot'mulil.

¹⁰ Che' ñac ch_Λncol tyo laj contrajin Dios, ti yutsis_Λbeyonla lac pusic'al la quic'ot cha'an ti caj

ti sajti i Yalobil cha'añonla. Wale, che' jini, che' utsonixla la quic'ot Dios más tyo melel an laj coty Δ ntyel cha'an cha' cuxul Cristo.

¹¹ Mach jinic jach jini, pero tijicñayonla je'el cha'an lac Dios Δ ch cha'an ti sajti lac Yum Jesucristo cha'añonla. Como Cristo ti yutsis Δ lac pusic'al yic'ot Dios.

Adán yic'ot Cristo

¹² Ti ñaxan an juntiquil jach b Δ winic Adán b Δ i c'aba' tsa' b Δ i cha'le mulil. Cha'an ti caj mulil ti queji i sajtyel quixtyañujob. Wale ti pejtyelelob mi sajtyelob como ti pejtyelelob mi' cha'leñob mulil.

¹³ Che' ñac max tyo ba'an ts'ijubil b Δ mandar, anix mulil ti mulawil. Pero che' ñac max tyo ba'an ti aq'uenti mandar, max tyo ti ajli mi an i mul quixtyañujob.

¹⁴ Pero c' Δ Δ che' ñac wa' an ti mulawil jini ñaxan b Δ winic Adán b Δ i c'aba', c' Δ Δ jintyo w Δ ' an ti mulawil Moisés, ti lu' sajtiyob xmulilob, aunque mach junlajal i mul bajche' Adán tsa' b Δ i ñus Δ be i tic'oñel Dios. Cha'an ti caj ch Δ b Δ ti' cha'le Adán ti ochiyonla ti xmulil. Cha'an ch Δ b Δ ti' cha'le Cristo, ti' loc's Δ yonla ti xmulil che' ti ty Δ li w Δ ' ti mulawil.

¹⁵ Pero mach ch'ujbi lac saj laje' jini tsa' b Δ i cha'le Adán yic'ot jini lac majtyan mu' b Δ i y Δ q'ueñonla Dios. Como cha'an ti caj i mul jini juntiquil winic Adán b Δ i c'aba' cab Δ lob ti sajtiyob. Pero jini laj coty Δ ntyel mu' b Δ i y Δ q'ueñonla Dios ti lac majtyan jach cha'an ti yutslel i pusic'al, ti aq'uentiyob i yonlelob cha'an ti jini juntiquil winic Jesucristo. Jini tsa' b Δ i cha'le Cristo jiñ Δ ch cha'an i wenlel ti yonlelob.

16 Mach ch'ujbi lac saj laje' i mul jini juntiquil winic Adán b_Λ i c'aba' yic'ot jini laj coty_Λntyel mu' b_Λ i y_Λq'ueñonla Dios. Como cha'an ti caj jini tsa' b_Λ i cha'le jini juntiquil ti w_Λ ajli cha'an mi quejel i xot'e' i mul quixtyañu. Pero mach che'iqui cha'an laj coty_Λntyel. Como ti majtyan jach Dios mi' q'uelob ti tyoj winicob aunque ti' cha'leyob cab_Λ mulil.

17 Cha'an ti' mul juntiquil winic mi wersa sajtyel quixtyañujob. Pero cha'an ti cab_Λ i yutslel i pusic'al Dios, ti juntiquil je'el, jiñ_Λch Jesucristo, mi quejel i y_Λq'uentyel tsiji' b_Λ i cuxty_Λlel ti' majtyan jach majchical yom i ch'ame'. Mi q'uejlelob ti tyoj ti Dios.

18 Cha'an ti' mul jini juntiquil, jiñ_Λch Adán, ti w_Λ ajli cha'an mi quejel i xot'e' i mul ti pejtyeel quixtyañujob. Che' je'el cha'an ti' tyoj b_Λ i cha'libal juntiquil, jiñ_Λch Jesucristo, mi cojlelob ti xot'mulil cha'an i y_Λq'uentyelob tsiji' b_Λ i cuxty_Λlel.

19 Che' bajche' ti q'uejliyob ti xmulil cab_Λlob cha'an ti juntiquil jach winic tsa' b_Λ i ñ_{us}abe bajche' ti subenti ti Dios, che' je'el cab_Λ mi quejel i q'uejlel ti tyoj ti Dios cha'an jini yamb_Λ juntiquil winic tsa' b_Λ i jac'Λ bajche' ti subenti ti Dios.

20 Ti ts'ijbunti jini mandar cha'an mi lac más ña'tyan añ_Λch lac mul. Pero che' ñac ti lac más ña'ty_Λ an cab_Λ lac mul ti queji lac ña'tyan más on tyo i yutslel Dios.

21 Che' bajche' mulil ti' wersa y_Λc'Λ ti sajtyel quixtyañujob, che' bajche' jini che' Dios mi' q'uelonla ti tyoj ti yutslel i pusic'al mi y_Λq'ueñonla laj cuxty_Λlel mach'Λ yujil jilel cha'an ti lac Yum Jesucristo.

6

Mi laj cojlel loq'uel ti' p'atyalel mulil

¹ ¿Ch_Λ b_Λ yom mi lac cha'len, che' jini? ¿Yom ba mi lac bej cha'len mulil cha'an Dios mi' más p_Λs'eñonla i yutslel i pusic'al?

² Mach'an. Mi sajlic. Sajtyemonixla yubil cha'an ma'ix mi lac bej jaq'ue' mulil. ¿Bajche' ch'ujbi lac bej cha'len mulil, che' jini?

³ ¿Mach ba la' wujil isujm cha'an ti lac pej-tyelel tsa' b_Λ lac ch'_Λm_Λ ja' mi la cajñel la quic'ot Cristo? Cha'an ti sajti Cristo cha'añonla, che' bajche' ch'_Λncol lac c_Λc' lac b_Λ ti sajtyel la quic'ot yubil che' mi lac ch'_Λme' ja'.

⁴ Ti sajtiyonla yubil. Cha'an ti lac ch'_Λm_Λ ja' che' bajche' ti mujquiyonla la quic'ot Cristo yubil. Jin cha'an che' bajche' ti tyejchi loq'uel Cristo ba'an sajtyemo' b_Λ cha'an ti' ñuclel Dios lac Tyat, che' joñonla je'el ti tyejchiyonla yubil cha'an ch'ujbi la cajñel ti tsiji' b_Λ laj cuxtyalel.

⁵ Como mi añonla ti Cristo cha'an ti sajtiyonla yubil che' bajche' ti sajti Cristo, mi lac tyejchel ti tsiji' b_Λ laj cuxtyalel je'el che' bajche' ti tyejchi Cristo.

⁶ Como che' ñac ti' bajle ti cruz Cristo che' bajche' ya' ti bajle tsucul b_Λ lac pusic'al yic'ot je'el cha'an i jis_Λntyel i simaronlel lac pusic'al cha'an ma'ix bej chuculonla ti' p'atyalel mulil.

⁷ Como che' an majch mi sajtyel, tsa'ix cojli ti' p'atyalel mulil.

⁸ Mi ti sajtiyonla la quic'ot Cristo, la cujil isujm mi quejel lac cha' cuxtiyel la quic'ot je'el.

⁹ Como la cujil isujm cha'an ti cha' tyejchi loq'uel Cristo ba'an sajtyemo' b_Λ, ma'an ba' b_Λ ora mi quejel i cha' sajtyel. Mach ch'ujbi i cha' sajtyel.

¹⁰ Como che' ñac ti sajti Cristo jas_Λ junyajlel ti sajti cha'an i lu' xot'beñob i mul quixtyañujob. Pero wale cha' cuxulix cha'an mi' tsictisan i ñuclel Dios.

¹¹ Jatyetla, je'el, ña'tyanla che' bajche' sajtyemetixla cha'an mach'an mi' nijc_Λbeñetla la' pusic'al mulil. Pero ña'tyanla che' bajche' cha' cuxuletla cha'an mi la' tsictisan i ñuclel Dios, como tyem añonla la quic'ot lac Yum Cristo Jesús.

¹² Jin cha'an, che' w_Λ tyo añonla ti mulawil mach yom mi lac saj c_Λc' lac pusic'al i yotsañonla ti mulil. Como mulil mi' jop' i wersa nijc_Λbeñonla lac jaq'ue' i tsuculel lac pusic'al.

¹³ Mach yom mi la c_Λc' lac b_Λc'tyal i cha'len mulil. Pero jini yom b_Λ, jiñ_Λch cha'an la c_Λc' lac b_Λ ti Dios. Como tsa'ix sajtiyonla la quic'ot Cristo yubil. Wale anix tsiji' b_Λ laj cuxty_Λlel. Yom mi la c_Λc' lac b_Λ ti Dios cha'an i c'añonla lac cha'len wen b_Λ lac cha'libal.

¹⁴ Como mach ch'ujbi i bej y_Λsañonla mulil como wale ma'ix añonla ti' wenta jini oniyix b_Λ mandar pero añonla ti' wenta i yutsllel i pusic'al Dios.

Lajoñel cha'an ch_Λ b_Λ mi lac yumin

¹⁵ ¿Bajche' ma' pensalin che' jini? ¿Yom ba mi lac cha'len mulil che' ma'ix bej añonla ti' wenta oniyix b_Λ mandar pero añonixla ti' wenta i yutsllel i pusic'al Dios? Mach'an. Mi sajlic.

¹⁶ Como wen la' wujil isujm che' mi la c_Λc' lac b_Λ ti' wenta juntiquil yum_Λ, i winiconla jini yum_Λ che' jini. Wersa mi lac jaq'ue' ch_Λ b_Λ mi' xic'onla lac cha'len. Che' bajche' jini, che' mi la c_Λc' lac b_Λ

cha'an mi lac yumin mulil, wersa mi lac xot'e' lac mul che' mi lac sajtyel. Che' mi la cAC' lac bA cha'an mi lac yumin Dios, mi yAQ'ueñonla la cajñel ti tyoj.

¹⁷ Ti wajali ti la' wAC' la' bA la' yumin mulil. Pero wale, wocox i yAA Dios tsa'ix la' ch'ujbibe ti jump'ej la' pusic'al i cANTISA tsa' bA aq'uentiyetla ti Dios.

¹⁸ Wale tsa'ix cojliyetla ti mulil tsa' bA la' yumi. Tsa'ix ochiyetla ti i winiquetla Dios cha'an mi la' cha'len chA bA tyoj ti' wut.

¹⁹ (ChAncol c subeñetla jini t'an ti lajoñel tyac como mero wocol mi la' ch'Am'en isujm.) Che' lajal bajche' ti wajali ti la' wAC' la' bA cha'an mi la' cha'len ba'ical bA la' tsuculel yic'ot la' simaronlel jintyo ma'ix i p'isol la' simaronlel. Wale, che' jini, yom mi la' wAC' la' bA cha'an mi la' cha'len chA bA tyoj ti' wut Dios cha'an mi la' wajñel ti i cha'añetla Dios ti junyajlel.

²⁰ Como che' ñac chAncol tyo la' wAC' la' bA la' yumin mulil mach libre añetla cha'an mi la' cha'len chA bA tyoj.

²¹ ¿ChA bA yes i c'AJnibal jini tsa' bA la' cha'le wajali mu' bA la' quisnin la' cha' pensalin? Ma'ix sajlic i c'AJnibal. Che' jach mi yAC'onla ti xot'mulil che' mi lac sajtyel.

²² Pero wale tsa'ix colbentiyetla ti i p'AtyAlel mulil. Ti ochiyetla ti i winic Dios. Mi la' wochel ti i cha'añet bA la Dios. Mi quejel la' wAQ'uentiyel la' cuxtyAlel mach'A yujil jilel.

²³ I tyojol lac mul jiñach che' mi quejel lac majlel ti xot'mulil che' mi lac sajtyel, pero lac majtyan mu' bA i yAQ'ueñonla Dios jiñach laj cuxtyAlel mach'A yujil jilel che' mi la cajñel la quic'ot Cristo Jesús lac Yum.

7

Lajoñel cha'an ñujpuñel

¹ Quermañujob, cΛñΛl bΛ la' cha'an jini mandar tyac, la' wujil isujm cha'an añob ti' wenta mandar quixtyañujob che' jach che' cuxulob tyo.

² Che' bajche' che' an i ñoxi'al x'ixic, jini mandar cha'an ñujpuñel mi yΛle' cha'an wersa mi yajñel yic'ot i ñoxi'al che' cuxul tyo i ñoxi'al. Pero mi ti sajti, librejix jini x'ixic. Mach bej an ti' wenta jini mandar.

³ Mi ti ajni yic'ot yambΛ winic che' cuxul tyo i ñoxi'al, i tsuculelΛch mi' cha'len. Pero mi ti sajti i ñoxi'al, mach bej an ti' wenta i mandar ñujpuñel. Mach i tsuculel mi ti' cha'le ñujpuñel yic'ot yambΛ winic.

⁴ Quermañujob, jiñΛch bajche' añetla wajali je'el. La' noxi'alΛch jini mandar tyac yubil como ti la' wersa ch'ujbi jini mandar. Pero ti sajtiyonla yubil cha'an mach'an mi lac jac' jini mandar tyac como che' bajche' ti sajtiyonla yic'ot Cristo che' ñac ti tsΛnsΛnti ti cruz. Mach bej añonla ti' wenta lac wersa ch'ujbin jini mandar tyac. Libre añonla la cajñel yic'ot Cristo tsa' bΛ tyejchi loq'uel ba'an sajtyemo' bΛ. Mi lac ch'ujbiben i t'an. Mi lac cha'len wen bΛ lac cha'libal bajche' yom Dios.

⁵ Ti wajali ti lac cha'le lac simaronlel chΛ bΛ jach bΛ yom lac bajñel pusic'al. Pero cha'an ti lac ña'tyΛ bajche' tiq'uil ti mandar, lac pusic'al ti' más nijcΛbeyonla lac cha'len jini mach bΛ wen. Jini lac simaronlel mi quejel i yΛc'onla ti sajtyel.

⁶ Pero tsa'ix loq'uiyonla ti' wenta jini mandar tsa' bΛ lac yumi. Wale libre añonla. An tsiji' bΛ laj cuxtyΛlel cha'an Ch'ujul bΛ i Ch'ujlel Dios cha'an

mi lac cha'liben i troñel Dios. Ma'an mi lac wersa cha'len bajche' ts'ijbubil ti mandar.

Jini mulil am b_Λ ti lac pusic'al

⁷ ¿Chuquiyes i sujmler jini tsa' b_Λ c_ΛΛ, che' jini? ¿Mulil ba jini mandar tyac? Mach'an. Mi sajlic. Machic an mandar mach'an ti laj c_Λñ_Λ mulil. Mach'an ti lac ña'ty_Λ mi mulil che' mi lac mul_Λben ch_Λ b_Λ yes an i cha'an lac pi'_Λlob machic ti' subu mandar ba' mi y_Λle': Mach a mul_Λben ch_Λ b_Λ yes an i cha'an a pi'_Λlob, che'en.

⁸ Che' mi lac c_Λn bajche' tiq'uilonla ti mandar, lac pusic'al mi utsi quejel i wersa mulan i cha'len jini tiq'uil b_Λ. Como che' ñac max tyo ti laj c_Λñ_Λ bajche' mi' tic'onla mach'an tsiquil mulil yubil como mach'an ti lac ña'ty_Λ mi ch_Λncol lac cha'len tiq'uil b_Λ.

⁹ Che' max tyo ubibil lac cha'an mandar, weñ_Λch añonla ti la cubi. Pero che' ñac ti la cubi mandar, ti lac ña'ty_Λ cha'an anix lac mul. Ti queji lac ña'tyan cha'an wersa mi lac xot' lac mul.

¹⁰ Ti ujtí, che' jini, cha'an jini mandar tsa' b_Λ aq'uentiyonla cha'an i y_Λq'ueñonla tsiji' b_Λ laj cuxty_Λlel mi ts'_Λc_Λl mi lac ch'ujbiben, che' jach ti y_Λq'ueyonla lac xot' lac mul como mach'an ts'_Λc_Λl ti lac ch'ujbibe.

¹¹ Como ti y_Λq'ueyonla lac lotin lac b_Λ. Ti lac lolon ña'ty_Λ cha'an ch'ujbi lac lu' jaq'ue' bajche' mi y_Λl mandar. Ti jini jach b_Λ mandar mi' tsic-tis_Λbeñonla cha'an mi y_Λc'onla ti xot'mulil ti caj lac mul.

¹² Jin cha'an, ch'ujul jini mandar como ty_Λlem ba'an Dios. Lajal ch'ujul je'el jujump'ej i tic'oñel am b_Λ ti mandar. Tyoj_Λch. Weñ_Λch.

13 ¿Pero ch'ujbi ba i yac'onla ti xot'mulil jini wen b_Λ mandar? Mach'an. Mi sajlic. Jiñach mulil mu' b_Λ i yac'onla ti xot'mulil cha'an tsictiyic mulilach. Ti c'ajni jini wen b_Λ mandar cha'an mi' tsictisan ñoj bibajax jini lac mul.

14 Como la kujil ty_Δlem jini mandar ti Ch'ujul b_Λ i Ch'ujlel Dios. Pero joñon quixtyañujon jach. Chuculon ti' p'_Δty_Δlel mulil.

15 Mach'an mic ch'_Δmben isujm ch_Δ b_Δ och ch'_Δach mi yujtyel, pero mach'an mic cha'len jini wen b_Δ com b_Δ c cha'len. Pero jini mu' b_Δ c ts'a'q'uel, jiñach mu' b_Δ c yoque cha'len.

16 Che' jini, che' mic cha'len jini mach'_Δ wen b_Δ mach b_Δ c com cha'len, ch_Δncol c_Δc' c t'an cha'an weñach jini mandar.

17 Jin cha'an mach joñonic ch_Δncol b_Δ c cha'len jini mu' b_Δ c ts'a'q'uel, pero jiñach mulil am b_Δ tic pusic'al mi y_Δq'ueñon c cha'len jini mach'_Δ wen b_Δ mach b_Δ com cha'len.

18 Como kujil isujm mach'an ch_Δ b_Δ wen ti bajñel b_Δ c pusic'al. Como com c cha'len ch_Δ b_Δ wen, pero mach ch'ujbi c cha'len.

19 Mach'an mic cha'len jini wem b_Δ com b_Δ c cha'len, pero jini mach'_Δ wen mach b_Δ com c cha'len, jiñach mu' b_Δ c bej cha'len.

20 Jin cha'an che' mic bej cha'len jini mach b_Δ com c cha'len, mach joñonic ch_Δncol c cha'len, pero jiñach mulil am b_Δ tic pusic'al mi y_Δq'ueñon c cha'len.

21 Jiñach bajche' mi yujtyel tic pusic'al mi cubin: Jini mulil am b_Δ tic pusic'al mi' nijc_Δbeñon cha'an che' com c cha'len wen b_Δ, jini jach mi' wersa aq'ueñon c cha'len mach'_Δ wen.

²² Tic pusic'al mic wen mulan i mandar Dios. Ñoj weñach jini mandar mi cubin.

²³ Pero mic ña'tyan an ch_Λ b_Λ an ti bajñel c pusic'al mu' b_Λ i y_Λq'ueñon j contrajin c b_Λ. Jiñach jini mulil am b_Λ tic pusic'al tsa' b_Λ i wersa chucuyon ti' p'_Λty_Λlel yubil.

²⁴ Pero ñoj p'ump'uñon, che' jini. ¿Majchqui mejl i tic'beñon bajñel c pusic'al cha'an ma'an mi y_Λc'on ti xot'mulil?

²⁵ Jin jach Dios ch'ujbi i tic'beñon bajñel yom b_Λ c pusic'al cha'an ti lac Yum Jesucristo. Wocox i y_ΛΛ Dios. Che' jini kujil isujm yom mic ch'ujbin c xic'ol ti Dios. Pero bajñel yom b_Λ c pusic'al mi' jop' i xic'on c cha'len mulil.

8

Laj cuxty_Λlel ty_Λlem b_Λ ti Ch'ujul b_Λ i Ch'ujlel Dios

¹ Jin cha'an, wale ma'ix xot'mulil cha'an jini año' b_Λ ti Cristo Jesús. Mi' cha'leñob bajche' yom Ch'ujul b_Λ i Ch'ujlel Dios mach jinic bajche' bajñel yom i pusic'al.

² An i p'_Λty_Λlel Ch'ujul b_Λ i Ch'ujlel Dios cha'an i y_Λq'ueñonla tsijib b_Λ laj cuxty_Λlel. Cha'an año'la ti Cristo Jesús ti' coloyonla ti i p'_Λty_Λlel mulil mu' b_Λ i y_Λc'onla ti sajtyel.

³ Como mach ch'ujbi i cotyañonla i mandar Moisés como cha'an ti caj i tsuculel lac pusic'al mach saj ch'ujbi lac lu' jac'ben jini mu' b_Λ i xic'onla lac cha'len. Pero Dios ch'ujbi i cotyañonla. Ti' choco ty_Λlel i Yalobil tsa' b_Λ i ch'_Λm_Λ i b_Λc'tyal che' bajche' quixtyañu jach cha'an i yac' i b_Λ i xot'beñonla lac mul. Aunque ti' ch'_Λm_Λ i b_Λc'tyal che' bajche' quixtyañu jach pero mach'an ti' cha'le

mulil. Dios ti yΛc'Λ ti sajtyel che' bajche' tsΛnsΛbil bΛ i majtyan cha'an i xot'beñonla lac mul. ChΛ'Λch ti xojt'i mulil che' bajche' jini che' ñac ti poj ajni che' bajche' quixtyañu jach jini Jesús.

4 ChΛ'Λch ti' cha'le Dios cha'an i yΛq'ueñonla lac cha'len tyoj bΛ bajche ti' xiq'uiyonla ti mandar. Como wale ma'ix mi la cajñel bajche' bajñel yom lac pusic'al pero mi la cajñel bajche' yom Ch'ujul bΛ i Ch'ujlel Dios am bΛ ti lac pusic'al.

5 Como jini mu' bΛ i bajñel pensalin bajche' bajñel yom i pusic'al, jin jach mi' pensalin jini mach bΛ wen i cha'an bΛ mulawil. Pero jini mu' bΛ i pensalin bajche' yom Ch'ujul bΛ i Ch'ujlel Dios mi' pensalin bajche' yom Dios.

6 Jini mu' bΛ i bele' pensalin jini mach bΛ wen i cha'an jach bΛ mulawil mi quejel i yΛq'uentyel i xot' i mul. Jini mu' bΛ i bele' pensalin chΛ bΛ yom Ch'ujul bΛ i Ch'ujlel Dios mi quejel i yΛq'uentyel i cuxtyΛlel mach'Λ yujil jilel yic'ot i ñΛch'tyΛlel i pusic'al.

7 Jini mu' bΛ i bele' pensalin mach bΛ wen i cha'an jach bΛ mulawil mi' contrajin Dios. Como mach yom i jac'ben bajche' xiq'uil ti i mandar Dios, mach ch'ujbi i jaq'ue' je'el.

8 Jin cha'an, jini mu' bΛ i cha'len bajche' bajñel yom i pusic'al mach ch'ujbi i cha'len jini mu' bΛ i mulan Dios.

9 Pero jatyetla mach'an mi la' wajñel bajche' yom la' pusic'al. Mi la' wajñel bajche' yom Ch'ujul bΛ i Ch'ujlel Dios ya' bΛ an la' wic'ot. Jini mach'Λ ba'an Ch'ujul bΛ Ch'ujlel Cristo yic'ot, mach i cha'anic Cristo.

10 Pero mi an Cristo ti la' pusic'al aunque mi sajtyel la' bΛc'tyal bajche' i tyΛlel mi sajtyel cha'an ti caj mulil, pero anix i cuxtyΛlel la' ch'ujlel como tsa'ix i yΛq'ueyetla tyoj bΛ la' pusic'al Dios.

11 Mi an la' wic'ot Ch'ujul bΛ i Ch'ujlel Dios tsa' bΛ tyeche loq'uel Cristo Jesús ba'an sajtyemo' bΛ, mi quejel i tyejch isañetla loq'uel ba'an sajtyemo' bΛ je'el. Mi quejel i yΛq'uen i cuxtyΛlel lac bΛc'tyal cha'an ti Ch'ujul bΛ i Ch'ujlel am bΛ la quic'ot.

12 Quermañujob, an ti lac wenta chΛ bΛ mi lac cha'len. Mach lac wenta mi lac wersa ajñel bajche' mi' xic'onla lac pusic'al.

13 Como mi chΛncol jach la' wajñel bajche' mi' wersa bajñel xiq'uetla la' pusic'al mi quejel la' wΛq'uentyel xot'mulil. Pero mi ti lac cha'le bajche' mi' xic'onla Ch'ujul bΛ i Ch'ujlel Dios, cha'an mi laj cΛye' mulil, che' jini mi quejel la cajñel ti laj cuxtyΛlel mach'Λ yujil jilel.

14 Ti pejtyelelob mu' bΛ i tyoj isΛntyelob majlel ti Ch'ujul bΛ i Ch'ujlel Dios i yalobilobΛch Dios.

15 Como jini Ch'ujul bΛ i Ch'ujlel Dios tsa' bΛ aq'uentiyonla ti Dios, mach'an mi yΛq'ueñonla lac cha' bΛc'ñan xot'mulil bajche' juntiquil ajtroñel mi' bΛc'ñan simaron bΛ i yum. Pero mi yotsañonla ti yalobil Dios. Jini Ch'ujul bΛ i Ch'ujlel Dios mi yΛq'ueñonla la cΛ: C Tyat, cho'onla.

16 Ch'ujul bΛ i Ch'ujlel Dios mi yΛq'ueñonla lac ña'tyan ti lac pusic'al je'el cha'an i yalobilonla Dios.

17 Cha'an i yalobilonla Dios mi quejel la cΛq'uentyel ti Dios jini wen bΛ tsa' bΛ i wΛ alΛ. Lajal bajche' mi yΛq'uen Cristo chΛ'ach mi quejel i yΛq'ueñonla je'el. Mi ti lac ñusΛ wocol cha'an ti

caj mi lac ts_Λc_Λlen majlel Cristo mi quejel lac motin ochel ti' ñucl_Λel ti panchan la quic'ot.

18 Cujil isujm cha'an mach ch'ujbi lac laje' jini wocol tyac mu' b_Λ lac ñusan ti ili b_Λ ora yic'ot i c'otyajlel i ñucl_Λel Cristo mu' b_Λ quejel lac p_Λs'entysel ti tyal tyo b_Λ ora.

19 Ti pejtyelel ch_Λ b_Λ ti mejli ti Dios ch_Λncol i wen pijtyan jintyo i yorojlel mi tsictis_Λntysel majchqui i yalobilob Dios.

20 Como ti pejtyel ch_Λ b_Λ an tyac ma'an ti ts'_Λctiyi i c'_Λj_Λnibal bajche' yom, mach cha'an che' ti y_Λlo yajc_Λ, pero cha'an ch_Λ'_Λch yom Dios. Pero tyal i yorojlel mi quejel i ts'_Λctiyel bajche' yom, cha'an ch_Λ'_Λch yom Dios.

21 Pero tyal i yorojlel che' ma'ix mi quejel i sajtyel ti pejtyel ch_Λ b_Λ an, mi jinic mu' b_Λ i colel, ma'ix mi' p_Λc'm_Λl majlel. Ch_Λ'_Λch mi quejel i yujtyel ti jim b_Λ ora che' Dios mi quejel i y_Λq'uen i ñucl_Λel i yalobilob.

22 La kujil isujm c'_Λl_Λ ti tyejchibal mulawil c'_Λl_Λ wale iliyi, ti pejtyelel i melbal Dios mu' ti ajacniyel. Mi yilan wocol che' bajche' juntiquil x'ixic mu' b_Λ ti bajq'uel.

23 Mach jinic jach pejtyel ch_Λ b_Λ an ti mulawil mi yilan wocol pero ñoj wocol mi la cubin joñonla je'el aunque ti aq'uentiyonla jini ñaxan b_Λ lac majtyan ti Dios, jiñ_Λch Ch'ujul b_Λ i Ch'ujlel Dios. Ch_Λncolonla ti pijt jintyo mi tsictiyel cha'an i yalobilonla Dios che' mi quejel la c_Λq'uentysel tsiji' b_Λ lac b_Λc'tyal.

24 Che' ñac ti coty_Λntiyonla ti queji lac pijtyan jini mu' tyo b_Λ quejel la c_Λq'uentysel. Pero mi ch_Λncol

laj q'uel jini tsa' b_Λ lac pijty_Λ, mach yoque pijtyaya-jic, como ma'ix ch_Λ b_Λ och mi lac bej pijtyan como ch_Λncox laj q'uele'.

²⁵ Pero mi ch_Λncol lac pijtyan jini max tyo b_Λ an mi laj q'uel, ti' xuc'ty_Λlel lac pusic'al yom mi lac wersa bej pijtyan.

²⁶ Che' je'el, che' la com lac cha'len oración Ch'ujul b_Λ i Ch'ujlel Dios mi' cotyañonla che' mach'an mi lac ña'tyan bajche' yom mi lac pejcan Dios. Che' ch_Λncol lac pensalin Dios ti oración pero ma'ix mi loq'uel t'an ti lac ti', jini Ch'ujul b_Λ i Ch'ujlel Dios mi' pejc_Λbeñonla Dios ti oración ti t'an mach b_Λ mejl la c_Λl bajche' com lac pejcan ti oración.

²⁷ Dios mu' b_Λ i c_Λmben i pusic'al quixtyañujob yujil ch_Λ b_Λ ch_Λncol i c'ajtin Ch'ujul b_Λ i Ch'ujlel como Ch'ujul b_Λ i Ch'ujlel Dios mi' c'ajtiben Dios cha'an i cotyan i cha'año' b_Λ bajche' yom i pusic'al Dios.

Mi lac wen ganarin

²⁸ La kujil ti pejtyelel ch_Λ b_Λ jach mi yujtyel, Dios mi' c'añe' cha'an i wenlel jini mu' b_Λ i p'untyañob Dios tsa' b_Λ p_Λjyi bajche' ti' w_Λ ña'ty_Λ Dios i cha'len ti ñoj oniyix.

²⁹ Como che' ñac max tyo ti' mele mulawil Dios ti' w_Λ ña'ty_Λ majchqui mi quejel i yochel ti i yalobilob. Ti' w_Λ yajc_Λ cha'an i yajñel bajche' i yalobil. I Yalobil Dios ti ochi ti ascuña_Λl yubil. Che' jini ti' tyaja cab_Λl i yijts'iñob yubil.

³⁰ Dios ti' p_Λy_Λ cha'an mi yochel ti i cha'an jini tsa' b_Λ i w_Λ yajc_Λ. Ti' q'uele ti tyoj jini p_Λy_Λbilo' b_Λ i cha'an. Tyal i yorojlel jini tsa' b_Λ q'uejli ti tyoj

mi quejel i yΛq'uentyelob i ñucllel bajche' i Yalobil Dios.

³¹ ¿Chuqui yom mi la cΛ, che' jini? Che' DiosΛch am bΛ la quic'ot cha'an i cotyañonla, ¿majchqui ch'ujbi i yΛsiñonla che' jini? Ma'an majch.

³² Dios mach'an ti' cotyΛ cha'an mach'an mi sajtyel i Yalobil, pero ti yΛc'Λ ti tsΛnsΛntyel cha'an ti lac pejtyelel. Mi ti yΛq'ueyonla i Yalobil, ¿mach ba muq'uic i yΛq'ueñonla ti pejtyel chΛ bΛ tyac yom? Muc'Λch.

³³ ¿Majchqui ch'ujbi i jop'ben i mul jini yajcΛbilo' bΛ i cha'an ya' ti tyojlel Dios? Ma'an majch. Como jiñΛch Dios mu' bΛ i q'uelob ti tyoj.

³⁴ ¿Majchqui ch'ujbi i yΛ cha'an wersa mi la xot' lac mul? Ma'an majch. Cristo ti sajti cha'an i xot'beñonla lac mul. Ti tyejchi loq'uel ba'an sajtyemo' bΛ. Wale ya'an ti' ñoj Dios ba' mi' pejcΛbeñonla Dios.

³⁵ ¿Am ba chΛ bΛ ch'ujbi i quipañonla loq'uel ba'an Cristo cha'an i cΛy i p'untyañonla? Mach'an. ¿Ixcu mi an ba lac wocol, mi pensal, mi tyΛc'Λntyel, mi wi'ñal, mi ma'ix lac pislel, mi an bΛbΛq'uen bΛ, mi bΛq'uentic mi lac tsΛnsΛntyel? Mach'an chΛ bΛ mi yΛq'uen Dios i cΛy i p'untyañonla.

³⁶ Como ti Ts'ijbubil bΛ i T'an Dios mi yΛle':
 Cha'an ti caj mi lojon c ch'ujbiñet an yom bΛ i tsansañon lojon c'ΛΛ mi ñumel q'uin.
 Cho'on jach lojon bajche' tiñΛme' cha'an mic tsΛnsΛntyel lojon mi' lolon cha'leñob.
 ChΛ'Λch ts'ijbubil.

³⁷ Pero aunque an cabΛ lac wocol mi lac wen ganarin ti Cristo mu' bΛ i p'untyañonla.

38-39 Jin cha'an ch'ujbi lac junyajlel ña'tyan cha'an mach'an sajlic ch_Λ b_Λ ch'ujbi i quipañoñla loq'uel ba'an Dios cha'an i c_Λy i p'untyañoñla. Mi ti ts_Λnsantiyonla, mi cuxulon tyo la mi' p'untyañoñla. Mi ajtroñoñelobic i cha'an Dios ch'oyolob ti panchan ch'ujbi i y_Λq'uen i c_Λy Dios i p'untyañoñla. Mi xibajic, mi yajtroñoñelobic i cha'an xiba, mi ch_Λ b_Λ tyaquic an wale, mi jinic tyo mu' b_Λ yujtyel ti tyal tyo b_Λ ora, mi ch_Λ b_Λ tyaquic jach an ti panchan mi an ti mulawil, mach'an sajlic i melbal b_Λ Dios ch'ujbi b_Λ i quipañoñla loq'uel ba'an Dios tsa' b_Λ i p_Λs'eyonla ti lac Yum Jesucristo bajche' c'amel mi' p'untyañoñla.

9

Dios ti yajc_Λ israelob

1 Cha'an i cha'añoñ Cristo ñoj melel_Λch jini mu' b_Λ c subeñoñetla. Mach'an mic cha'len lot. C_Λntis_Λbilon ti Ch'ujul b_Λ i ch'ujlel Dios am b_Λ tic pusic'al. Cha'an lajal mi' cha'len t'an c pusic'al bajche' c ti' kujil cha'an melel_Λch jini c t'an.

2 Ñoj ch'_Λjyem c pusic'al. C'ux mi cubin tic pusic'al ti pejtyel ora como mach yom i ch'ujbin Cristo jini c pi'_Λlob israelob.

3 Muq'uc i coty_Λntyel c pi'_Λlob israelob mi ti c_Λc'_Λ c b_Λ ti xot'mulil, mi ch'ujbiyic c chojquel ti' tyojlel Cristo ch'_Λch mic cha'len como wersa com mi coty_Λntyelob como jiñoñch yoque c pi'_Λlob yubil como junlajal lojon c yum ti ñoj oniyix.

4 I jiñoñjlelob Israel. Dios ti' p_Λy_Λyob cha'an mi yotsañoñb ti yalobilob. Ti tsictiyi i c'otyajlel i ñucllel Dios ti i tyojlelob. Ti y_Λq'ueyob trato b_Λ t'an yic'ot

i mandar Moisés. Ti c_Λantis_Λntiyob bajche' yom i ch'ujutisañob Dios. Ti' w_Λ subeyob cha'an mu' b_Λ i y_Λq'ueñob ti tyal tyo b_Λ ora jini w_Λ albil b_Λ i cha'an Dios.

⁵ Israelob i jiñ_Λjlel cojax tyo b_Λ lojon c yum Abraham. Che' ñ_Λc ti' ch'_Λm_Λ i b_Λc'tyal Cristo, loq'uem je'el ba'an israelob. Dios_Λch Cristo. An ti' wenta ti pejtye_Λel ch_Λ b_Λ tyac jach an. La' subjic i ñucl_Λel ti bele' ora. Amén.

⁶ Mach ch'ujbi la c_Λl cha'an ma'ix ti ts'_Λactiyi jini w_Λ albil b_Λ t'an tsa' b_Λ y_Λq'ueyob israelob Dios. Pero mach lu' i cha'añob Dios ti pejtyelelob i jiñ_Λjlelob Israel.

⁷ Mach ti pejtye_Λel i jiñ_Λjlelob Abraham mi quejel i yajñel che' bajche' yoque i jiñ_Λjlelob. Pero Dios ti' w_Λ sube: I yalobilob Isaac mi quejel i yochelob ti yoque a jiñ_Λjlelob. Che' ti subenti Abraham.

⁸ Jini mi y_Λq'ueñonla lac ña'tyan cha'an ma'an mi yajñel ti i yalobil Dios cha'an jach yajc_Λabil ti Dios Abraham i yumob ti ñoj oniyix. Pero jini jach mi yajñel ti yalobilob Dios jini mu' b_Λ i ch'ujbiñob cha'an melel_Λch jini w_Λ albil b_Λ t'an tsa' b_Λ i sube Abraham Dios.

⁹ Jiñ_Λch jini w_Λ albil b_Λ t'an tsa' b_Λ i sube Abraham Dios. Ti y_Λl_Λ: Ti w_Λ ña'ty_Λabil b_Λ ora mi quejel c p_Λs c p'_Λty_Λlel. Mi quejel i ch'oc an alo' b_Λ i yalobil Sara. Che' ti subenti Abraham.

¹⁰ Mach jinic jach jini pero an yamb_Λ tsa' b_Λ ujti je'el. Ti ñumi ora. I yalobil Sara, lac yum b_Λ ti ñoj oniyix Isaac b_Λ i c'aba' ti coli. Ti' p_Λy_Λ yijñam Rebeca b_Λ i c'aba'. Ti' ch'_Λoc_Λ lut b_Λ i yalobil.

¹¹⁻¹³ Pero che' ñ_Λc max tyo ch'ocayob, che' max tyo ti' cha'leyob mi ch_Λ b_Λ wen mi ch_Λ b_Λ mach'_Λ

wen, Dios ti' w_Λ sube Rebeca: Jini ascuña_Λ b_Λ mi quejel i cha'liben i toñel jini ijts'íñ_Λ b_Λ, che'en. Jini mi' loq'uel bajche' an ti Ts'ijbubil b_Λ i T'an Dios ba' Dios ti w_Λ al_Λ: Mic p'untyan Jacob pero Esaú ma'ix mic ñoj p'untyan, che'en. Ch_Λ'ach ts'ijbubil. Cha'an ch_Λ'ach an ti' t'an Dios, tsiquil_Λch, che' jini, cha'an Dios cha'an jach ti w_Λ ña'ty_Λ ch_Λ'ach yom i cha'len, mi' yajcan ba' b_Λ yom i p_Δye' cha'an mi yochel ti i cha'an b_Λ. Mach'an mi yajc_Δntyel cha'an ti caj bajche' mi' cha'len pero cha'an ch_Λ'ach yom i pusic'al Dios.

14 ¿Ch_Λ b_Λ yom mi la c_Λl che' jini? ¿Mu' ba la c_Λle' cha'an mach'an tyoj Dios che' mi' p'untyan juntiquil, pero ma'an mi' ñoj p'untyan yamb_Λ? Mach che' yom mi la c_Λle'.

15 Como Dios ti' sube Moisés: Mi quej c p'untyan jini com b_Λ c p'untyan. Mi quej c p_Δs'en i yutslel c pusic'al jini com b_Λ c p_Δs'en, che'en.

16 Tsiquil, che' jini, mi p'unty_Δntyel quixtyañu mach cha'an che' yom i pusic'al quixtyañu, mi cha'anic ch_Δncol i wersa sajcan i p'unty_Δntyel. Mi p'unty_Δntyel cha'an jach Dios ti w_Λ yajc_Δ majchqui yom i p'untyan.

17 Ti Ts'ijbubil b_Λ i T'an Dios mi y_Δl cha'an Dios ti' sube jini ñuc b_Λ yum_Δl ya' ti pañimil Egipto b_Λ i c'aba'. Ti y_Δl_Δ: Tic wa'chocoyet ti ñuc b_Λ yum_Δl cha'an jach mic p_Δs c p'_Δty_Δlel ti a tyojlel, cha'an mi pujquel majlel j c'aba' ti pejtyelel mulawil. Che' ti y_Δl_Δ Dios.

18 Tsiquil, che' jini, Dios mi' p'untyan majchqui jach yom i p'untyan, yic'ot mi y_Δq'uen i tsats an i pusic'al majchqui jach yom i tsats an.

19 Pero mi ch'ach an bajche' jini, mi quejel a c'ajtibeyon: ¿Chucoch mi' bele' al Dios añach i mul quixtyañu, che' jini? ¿Majchqui ch'ujbi i contrajin ch' b_Λ yom Dios? che'etla mi quejel la' c'ajtibeñon.

20 Pero jatyetla, quixtyañujet jach la. ¿Majchetqui che' jini cha'an ma' letsan a t'an ti' contra Dios? Ixcu jini p'ejt, ¿yom ba i suben xmel p'ejt: ¿Chucoch ch'ach ti a meleyon? che'en.

21 Pero jini xmel p'ejt ch'ujbiyach i c'ach jini oc'ol ch'ach bajche' yom. Ti junc'ojl oc'ol mi' mel cha'pej p'ejt, jump'ej mu' b_Λ i c'ajñel ti ñuc b_Λ i c'ajñibal, yamb_Λ mu' b_Λ i c'ajñel cha'an mach'añoj an i c'ajñibal.

22 ¿Chuqui, che' jini? Dios, aunque yom i pas i mich'lel yic'ot i p'atyalel, jal ti' cuchbeyob i mul quixtyañujob tsa' b_Λ tyejchbeyob i mich'lel. C'ajñibal jach ili quixtyañujob cha'an mi jisantyel.

23 Wen jal ti' cuchbon lac mul cha'an yom i yac' ti tsictiyel i c'otyajlel i ñucel cha'añonla p'untyabilon b_Λ la i cha'an, como ti w_Λ yajcayonla cha'an mi yac'ueñonla i ñucel.

24 Joñonla p'aybilonla i cha'an Dios. An tsa' b_Λ i p'ay_Λ loq'uel ba'an israelob. An yamb_Λ p'ayabilo' b_Λ loq'uel ba'an mach b_Λ israelobic.

25 Che' bajche' mi yale' ti' t'an Dios ya' ti jun Oseas b_Λ i c'aba'. Mi yal:

Jini mach b_Λ c' cha'añob ti yamb_Λ ora mi quej c' pejcañob tic cha'añob.

Jini mach b_Λ p'untyabilob ti yamb_Λ ora mi quej c' pejcañob ti p'untyabilob b_Λ c' cha'an.

26 Ya' ti jini jach b_Λ jun ti subentiyob: Mach c' cha'añetla. Che' ti yal Dios.

Ya' ti jini jach b_Λ lum mi quejel i pejc_Λntyelob ti yalobilob jini cuxul b_Λ Dios.

Che' ti y_{ΛΛ} Dios ti jun Oseas b_Λ i c'aba'.

²⁷ Isaías je'el ti' tyaja ti t'an jini israelo' b_Λ quixtyañujob. Ti y_{ΛΛ}: Aunque ñoj i yonlelob jini israelob che' bajche' an i ji'il colem ja', pero ma'ix ñoj cab_Λlob mi quejel i coty_Λntyelob.

²⁸ Como che' lac Yum mi quejel i y_{ΛC}' melojel ti mulawil ts'_{ΛCΛ} yic'ot ti ora jach mi quejel i melob quixtyañujob. Che' ti y_{ΛΛ} Isaías.

²⁹ Yic'ot an yamb_Λ t'an tsa' b_Λ i ñaxan al_Λ Isaías che' ti' tyaja ti t'an israelob. Ti y_{ΛΛ}:

Lac Yum jiñ_Λch i yum mulawil yic'ot ti pejtyelex i b_Λ. Machic ti' c_Λybeyonla cha'tiquil ux-tiquil la calobilob cha'an mi cha' oc'an quixtyañujob

lajal ti jis_Λntiyonla bajche' jini año' b_Λ ti lum tyac Sodoma yic'ot Gomorra b_Λ i c'aba'.

Che' ti y_{ΛΛ} Isaías.

Israelob yic'ot i t'an Dios

³⁰ ¿Ch_Λ b_Λ yom mi la c_Λ, che' jini? Mi la c_Λ cha'an jini mach'_Λ israelo' b_Λ quixtyañujob mach'_Λ ba'an ti saj_Λyob i tyoj is_Λntyel ti Dios, jiñob_Λch ti q'uejli ti tyoj ti Dios cha'an ti' ch'ujbiyob cha'an ajcotyaya i cha'an Cristo.

³¹ Pero jini israelob tsa' b_Λ lolon jop'oyob i tyoj isañob i b_Λ yic'ot Dios cha'an i jac'bentyel i mandar Moisés cha'an i y_Λq'uentyelob i q'uejlel ti tyoj ti Dios, mach'an ti' q'ueleyob ti tyoj ti Dios como ma'an ti mejli i lu' jac'ben ti ts'_{ΛCΛ} pejtyelex jini mandar tyac.

32 ¿Chucoch mach'an ti q'uejliyob ti tyoj ti Dios? Como ti' jop'o i q'uejlel ti tyoj cha'an mi' cha'leñob ti pejtyelex bajche' ts'ijbubil ti jini mandar tyac, mach cha'anic ti' ch'ujbiyob Cristo ti' pusic'al. Ti' jats'ayob i yoc ti tyun yubil. Como Cristo che' bajche' tyun ya' ti bij ba' mi ñumel quixtyañu.

33 Jiñach jini tyun mu' b_Λ i tyaje' ti t'an Ts'ijbubil b_Λ i T'an Dios ba' Dios ti y_ΛΛ:

Joñon ti c_Λc'Λ ya' ti Siñon juntiquil che' bajche' tyun yubil ba' mi' jats'ob i yoc quixtyañujob, che' bajche' colem tyun yubil mu' b_Λ i y_Λc'ob ti yajlel.

Pero majchical jach mu' b_Λ i ch'ujbin jini juntiquil che' bajche' tyun b_Λ yubil, mach'an ba' b_Λ ora mi quejel i y_Λlob cha'an mach'an wen cha'an ti' ch'ujbiyob.

Che' mi y_Λe' ti Ts'ijbubil b_Λ i T'an Dios.

10

1 Quermañujob, ti pejtyelex c pusic'al wersa com mi coty_Λntyelob c pi'lob israelo' b_Λ. Mij c'ajtiben Dios ti oración cha'an mi coty_Λntyelob.

2 Cujil isujm mi' ch'ujutisañob Dios ti jump'ej i pusic'al pero mach'an mi' ch'Λm'eñob isujm bajche' Dios yom i cotyan quixtyañujob.

3 Mach'an mi' ña'tyañob bajche' Dios mi y_Λq'uen quixtyañujob tyoj b_Λ i pusic'al. Mi' bajñel jop' i tyoj isan i b_Λ cha'an q'uejlic ti tyoj ti Dios. Ma'an mi y_Λc'ob i b_Λ ti Dios cha'an mi q'uejlel ti tyoj.

4 Como ti Cristo ti ts'actiyi i c'Λjnibal i mandar Moisés. Jin cha'an mi' q'uel ti tyoj ti pejtyelelob mu' b_Λ i ch'ujbiñob Cristo ti' pusic'al.

5 Ti Ts'ijbubil b_Λ i T'an Dios, Moisés ti' tyaja ti t'an jini quixtyañujob mu' b_Λ i bajñel jop' i tyoj isan i b_Λ cha'an mi q'uejlel ti tyoj ti Dios cha'an i ch'ujbintyel mandar tyac. Ti y_ΛΛ: Jini mu' b_Λ i junyajlel jac'ben ti ts'Λcal jini mandar tyac c'ajacña i yoj mi yajñel w_Λ' ti mulawil yic'ot mi quejel i y_Λq'uentyel tsiji' b_Λ i cuxty_Λlel mach'Λ yujil jilel.

6 An t'an ti' t'an Dios je'el cha'an jini mu' b_Λ i q'uejlel ti tyoj ti Dios cha'an mi' ch'ujbiñob Cristo ti' pusic'al. Mi y_ΛΛ: Mach yom a w_Λle' ti a pusic'al, ¿majchqui mi quejel i letsel majlel ti panchan? che'etla, cha'an mi p_Λye' jubel Cristo i cotyañonla.

7 Yic'ot mach yom a w_Λle', ¿majchqui mi quejel i jubel majlel ba'an sajtyemo' b_Λ? che'etla, cha'an mi' p_Λy letsel Cristo.

8 ¿Ch_Λ b_Λ yom i y_Λle' ili t'an? Mi y_Λle': Ya'an l_Λc'Λl ba'añet i t'an Dios. An ti la' ti' cha'an mi la' sub. An ti la' pusic'al cha'an mi la' ch'Λmben isujm. Che' mi y_Λle'. Jiñ_Λch jini t'an mu' b_Λ lac sub majlel cha'an an laj coty_Λntyel che' mi lac ch'ujbin Cristo ti lac pusic'al.

9 Mi ti a subu ti a ti' mi a yum_Λch Jesús, mi ti a ch'ujbi ti a pusic'al cha'an tsa'ix i tyeche loq'uel Dios ba'an sajtyemo' b_Λ, mi quejel a coty_Λntyel.

10 Como che' mi lac ch'ujbin Jesucristo ti lac pusic'al mi laj q'uejlel ti tyoj ti Dios. Che' mi lac sub ti' tyojlel quixtyañujob cha'an tsa'ix lac ch'ujbi che' jini mi laj coty_Λntyel.

11 Mi y_Λle' ti Ts'ijbubil b_Λ i T'an Dios: Mach'an majch mu' b_Λ i ch'ujbin Jesucristo mu' b_Λ quejel i y_Λle' cha'an ma'ix wen cha'an ti' ch'ujbi. Che' ts'ijbubil.

12 Como Dios junlajal mi' q'uel quixtyañu mi israelob mi mach b Δ israelobic. Juntiquil jach lac Yum, jiñ Δ ch i Yum ti pejtyelelob. Mi wen y Δ q'ueñob i yutslel i pusic'al ti pejtyelelob mu' b Δ i c'ajtin i coty Δ ntyel.

13 Como mi y Δ le' ti Ts'ijbubil b Δ i T'an Dios: Majchical jach mi' pejcan lac Yum cha'an i c'ajtin i coty Δ ntyel mi quejel i coty Δ ntyel. Ch Δ ' Δ ch ts'ijbubil.

14 ¿Pero bajche' ch'ujbi i pejcañob lac Yum cha'an i c'ajtin i coty Δ ntyel mi mach'an ti' ch'ujbiyob cha'an ajcotyayaj Δ ch i cha'an? ¿Bajche' ch'ujbi i ch'ujbiñob lac Yum mi mach'an ba' b Δ ora ti yu-bibeyob i t'an? ¿Bajche' ch'ujbi i yubiñob i t'an Dios mi mach'an majch mi' subeñob?

15 ¿Bajche' ch'ujbi i sujbel majlel i t'an Dios mi mach'an majch mi' chocob majlel ti subt'an? Mi y Δ le' ti Ts'ijbubil b Δ i T'an Dios: Ñoj cotyajax jini mu' i ty Δ lelob i sub jini t'an cha'an bajche' mi lac tyaj i ñ Δ ch'ty Δ lel lac pusic'al. Jiñ Δ ch jini wen t'an cha'an laj coty Δ ntyel. Che' mi y Δ le' ti Ts'ijbubil b Δ i T'an Dios.

16 Pero mach ti pejtyelel mi' ch'ujbiñob cha'an ñoj melel jini wen t'an cha'an laj coty Δ ntyel. Che' Δ ch bajche' ti y Δ Δ Isaías je'el. C Yum, mach'an cab Δ lob mi' ch'ujbiñob cha'an ñoj melel jini t'an mu' b Δ lojon c subeñob. Che' ti y Δ Δ Isaías.

17 Pero jini tsa' b Δ ch'ujbiyob ti' ch'ujbiyob cha'an ti yubiyob jini t'an. Jini t'an tsa' b Δ yubiyob jiñ Δ ch t'an cha'an Cristo.

18 Che' jini mij c'ajtibeñetla, ixcu jini mach' Δ ba'an ti' ch'ujbiyob, ¿mach'a ba'an ti yubiyob jini

t'an? Tsa'ix i yubiyob. Como ti Ts'ijbubil b_Λ i T'an Dios mi y_Λle':

Tsa'ix pujqui majlel jini t'an ti pejtyelex mulawil.

Tsa'ix c'oti t'an c'_{ΛΛ} ti junwejl mulawil.

Che' ts'ijbubil.

¹⁹ Che' jini an ch_Λ b_Λ yamb_Λ mij c'ajtibehetla. ¿Mach'a ba'an ti' ch'_Λmbeyob isujm jini israelob cha'an jini t'an tsa' b_Λ subentiyob? Tsa'ix i ch'_Λmbeyob isujm, yubil. Como che' ñac max tyo ti' cha'le t'an Isaías, ñaxan Dios ti' c_Λambe i ti' Moisés i y_Λle':

Mi quej j c'_Λñe' mach'_Λ israelobic b_Λ quixtyañujob cha'an i y_Λq'uehetla la' mich'q'uelob cha'an ti caj mi' tyajob i wenlel.

Mi quej j c'_Λñob jini mach'_Λ ba'an i ña'ty_Λbal cha'an i tyejchbehetla la' mich'lel cha'an ti caj ti aq'uentiyob i wenlel ti Dios.

Che' ti y_{ΛΛ} Moisés.

²⁰ Ti wi'il Isaías ti' cha'le ch'ejl b_Λ t'an tsa' b_Λ subenti ti Dios. Ti y_{ΛΛ}:

Jini mach'_Λ ba'an ti' sajc_Λyon ti' tyajayoñob.

Tic tsictis_Λbe c b_Λ ti jini mach'_Λ ba'an ti' c'ajtibeyon majchonqui.

Che' ti y_{ΛΛ} Dios ti ti' Isaías.

²¹ Che' ti' tyaja ti' t'an israelob, Dios ti' c'_Λambe i ti' Isaías i y_Λle': Ti pejtyelex q'uin ch_Λncol c p_Λye' quixtyañujob mach b_Λ yomob i ch'ujbiñoñob cha'an mi y_Λq'ueñoñob i b_Λ. Mi' contrajiñoñob c t'an. Che' ti y_{ΛΛ} Dios, che'en Isaías.

11

Israelob tsa' b_Λ tyajayob i coty_Λntyel

¹ Wale mij c'ajtibeñetla, ¿tsa'ix ba junyajlel cAJjyiyob ti Dios jini israelob, jiñach i cha'añob. Mach'an. Mi sajlic. Como joñon israelon je'el. Jini c yum ti ñoj oniyix, jiñach Benjamín, i jiñajlel Abraham.

² C'ALA ñoj oniyix Dios ti wA yajcA jini israelob cha'an i cha'año' bA. Ma'an ti junyajlel cAJjyiyob. ¿C'ajal ba la' cha'an bajche' an ti Ts'ijbubil bA i T'an Dios? Che' mu' ti oración, Elías ti' subu Dios i mul israelob. Ti yALA:

³ C Yum, tsa'ix i tsANSAYob tsa' bA a xiq'ue i yAle' a t'an. Tsa'ix i jemeyob jini yajnib tyac ba' ma' wAQ'uentyel a majtyan. C bajñel ti cAYleyon. Yom i tsansañoñob je'el. Che' ti yALA Elías.

⁴ Pero Dios ti' jac'Λ: Mach a bajñel ti cAYleyet. Tsa'ix j cAñATyAYob siete mil winicob mach'Λ ba'an ti' ñoc chocoyob i bA i ch'ujutisañob jini dios tye' Baal bA i c'aba'. Che' ti yALA Dios.

⁵ Che' bajche' wale iliyi je'el mach'an ti' lu' cAJjyiyob ti Dios ti pejtyelel israelob. Pero añob jini tsa' bA yajcANTiyob ti Dios cha'an ti yutslal i pusic'al.

⁶ Dios mi yajcan quixtyañujob cha'an ti yuts'lel i pusic'al Dios, mach cha'anic wen bA i cha'libal quixtyañujob. Mi tsa'ic i yajcAYob cha'an wen bA i cha'libal, mach cha'anic i yutslal i pusic'al mi yajcANTyelob, che' jini.

⁷ ¿ChA bA yes i sujmlal jini tsa' bA ujti, che' jini? Jini israelob ti' sAcleyob bajche' mi' bajñel tyoj isañob i pusic'al yic'ot Dios. An tsa' bA q'uejliyob ti tyoj ti Dios, pero jini jach jini tsa' bA yajcANTiyob ti Dios. Ti tsATS isANTI i pusic'al jini yaño' bA.

⁸ Che' bajche' mi y_Λle' ti Ts'ijbubil b_Λ i T'an Dios: Dios ma'an ti y_Λq'ueyob i ch'_Λmbeyob isujm. An i wut pero mach'an mi' ch'_Λmbeñob isujm jini mu' b_Λ i q'uelob. An i chiquin pero mach'an mi' ña'tyañob i sujmllel jini mu' b_Λ yubiñob. Ch'_Λch mi yujtyel c'_{ΛΛ} wale. Che' mi y_Λle' ti Ts'ijbubil b_Λ i T'an Dios.

⁹ David ti y_{ΛΛ} je'el:

La' p_Λntiyic ti yac yubil jini wen tyac b_Λ mu' b_Λ i mulañob,
cha'an mi chujquelob, cha'an mi yajlelob, cha'an
mi y_Λq'uentyel i xot'ob i mul.

¹⁰ La' yajpic i wut cha'an ma'an mi c'otyel i wut.
La' i bej cha'len cotyocniyel majlel yubil cha'an ti
bele' ora.
Che' ti y_{ΛΛ} David.

I coty_Λntyel jini mach b_Λ israelobic

¹¹ Wale mij c'ajtibeñetla, çtsa' ba i junyajlel c_Λjyiyob ti Dios israelob cha'an ti' poj jats'_Λyob i yoc cha'an mach'an ti' ch'ujbiyob Cristo ti' pu-sic'al? Mach'an. Pero cha'an mach'an ti jac'beyob Dios jini israelob, tsa'ix coty_Λntiyob jini mach b_Λ israelobic. Jiñ_Λch ch_Λ b_Λ mi quejel i c'_Λñe' Dios cha'an i y_Λq'uen israelob i mulan i coty_Λntyel che' ñac mi yilan coty_Λbilobix jini mach b_Λ israelobic.

¹² Cha'an mach'an ti' ch'ujbiyob Cristo israelob, ti aq'uentiyob i wenlel Dios yamb_Λ quixtyañujob año' b_Λ ti pejtyelel mulawil. Che' jini, mi ti caj ti chilbentiyob i cha'an b_Λ israelob ti aq'uenti jini mach b_Λ israelobic, ñoj más wen mi quejel i y_Λq'uentyelob ti pejtyelel año' b_Λ ti mulawil che' mi' ch'ujbiñob Cristo jini israelob je'el.

13 Wale an ch_Λ b_Λ mic subeñetla mach b_Λ is-
raeletla. Dios ti' chocoyon majlel ti sub t'an ya'
ba'añetla. Mic ña'tyan wen ñuc jini c troñel.

14 Jini com b_Λ, jiñ_Λch cha'an c pi'_Λlob jini israelob
b_Λ mi yilan bajche' añetla che' an la' coty_Λntyel ti
Dios. Cha'an che' mi' q'ueletla mi quejel i wersa
mulan i yajñel bajche' añetla. Che' jini cha'tiquil,
uxtiquil mi coty_Λntyelob je'el.

15 Cha'an ti caj ti' c_Λjyiyob israelob ti Dios, ti la-
jmis_Λbentiyob i contrajiya ti' tyojlel ti pejtyelelob
yaño' b_Λ quixtyañujob. ¿Mach ba ñoj c'otyajax mi
quejel i yujtyel che' Dios mi' q'uel ti tyoj jini is-
raelob? Che' bajche' mi ti tyejchiyob loq'uel ba'an
sajtyemo' b_Λ.

16 Jini israelob che' bajche' junc'ojl sa'. Mi ti
aq'uenti Dios jini ñaxan b_Λ junq'uej waj jiñ_Λch i
señajlel cha'an lu' i cha'añ_Λch Dios ti pejtyel jini
sa' yubil. Mi i cha'añ_Λch Dios i wi' tye', lu' i
cha'añ_Λch Dios i c'_Λb tyac je'el. Mi lac ña'tyan,
che' jini, i cha'añ_Λch Dios Abraham, jini cha'an i
cha'añ_Λch Dios yaño' b_Λ israelob je'el como lu' i
jiñ_Λjlel Abraham.

17 Jini israelob tsa' b_Λ i c_Λy_Λyob Dios ch'_Λch añob
bajche' i c'_Λb tyac jini olivo tye' tsa' b_Λ tsejpi loq'uel
ti i tye'el. Pero jatyetla mach b_Λ israeletla lajaletla
bajche' i c'_Λb tyac olivo tye' tsa' b_Λ bajñel coli ti
ma'tye'el. Ti ots_Λntiyetla ya' ba' ti tsejpi loq'uel jini
ñaxan b_Λ i c'_Λb tyac. Che' jini, mi la' tyaj tsiji' b_Λ la'
cuxty_Λlel ti' wi' yubil.

18 Pero jatyetla tsa' b_Λ ots_Λntiyetla ti tye' yubil,
mach yom mi la' lolon sub la' b_Λ ti ñuc ti' contra i
c'_Λb tye' tsa' b_Λ tsejpi loq'uel. Mi ti a subu a b_Λ ti
ñuc, yom c'ajal la' cha'an cha'an mach'an ch_Λncol

la' wΛq'uen i p'ΛtyΛlel i wi' jini tye' pero jini i wi' tye' mi yΛq'ueñetla la' p'ΛtyΛlel.

19 C'o'ojl mux la' wΛle': Melel, pero ti tsejpi loq'uel lamital i c'Λb tyac cha'an ti otsΛntiyonla che'etla.

20 MelelΛch. Pero ti tsejpi loq'uel yubil cha'an mach'an ti ch'ujbiyob Dios ti' pusic'al. Jatyetla ti otsΛntiyetla cha'an jach ti la' ch'ujbi Dios. Ma' mi la' chan isan la' bΛ che' jini. Wen q'uele la' bΛ.

21 Como mi Dios mach'an ti' ñusΛbeyob i mul jini israelob jini yoque i c'Λb olivo yubil cha'an mach'an ti' ch'ujbiyob Cristo, mach'an mi quej i ñusΛbeñetla la' mul je'el.

22 Ña'tyanla bajche' an i yutslel Dios. Pero an i p'ΛtyΛlel je'el che' mi yΛq'ue' xot'mulil. Ti p'ΛtyΛlel i t'an ti yΛq'ue xot'mulil israelob tsa' bΛ i ñusΛbeyob i t'an. Pero tsa'ix i pΛs'eyetla i yutslel Dios. Pero mi ma'ix mi la' bej ajñel ti i yutslel mi quej la' tsejpel loq'uel je'el.

23 Pero jini israelob tsa' bΛ tsejpiyob loq'uel cha'an mach'an ti ch'ujbi Dios ti' pusic'al, mi ti cha' ch'ujbi mi quej i cha' otsΛntyelob yubil. Como an i p'ΛtyΛlel Dios cha'an i yotsan.

24 Como jatyetla mach bΛ israeletla, tsa'ix tsejpiyetla loq'uel ti juntyejc olivo tye' tsa' bΛ bajñel coli ti ma'tye'el. Ti otsΛntiyetla ti jini wen bΛ olivo tye' yubil. Mi ch'ujbi la' wotsΛntyel che' mach yoque i c'Λbeticla, jinic tyo israelob más ch'ujbi i cha' otsΛntyelob como jiñΛch yoque i c'Λb jini olivo tye' yubil.

Mi quej i cotyΛntyelob israelob

25 Hermañujob, com mi la' ña'tyan jini cantisa cha'an israelob max tyo b_Λ ba'an tsictiyem ti yamb_Λ ora. Ame mi la' lolon chan isan la' b_Λ ti la' pusic'al. Lamitalob israelob ti' ts_Λts is_Λbentiyob i pusic'al pero mach ti junyajlel jach. Jini jach ts_Λts mi c_Λty_Λl jintyo mi c'otyel i yorojlel che' ts'_Λc_Λl ti' ch'ujbi Dios jini mach b_Λ israelob jiñ_Λch jaytiquil w_Λ yajc_Λbilo' b_Λ mi quejel i ch'ujbiñob.

26 Che' mi coty_Λntyelob jaytiquilob jini mach b_Λ israelob mu' b_Λ quej i coty_Λntyelob, che' jini ti jim b_Λ ora ti pejtyelel israelob mi quejel i coty_Λntyelob. Como ti Ts'ijbubil b_Λ i T'an Dios mi y_Λl:

Jini Ajcotyayaj mi quejel i loq'uel ty_Λlel ti Sión,
Mi quejel i loc's_Λbeyob ti pejtyelel i simaronlel ti'
pusic'al israelob, i jiñ_Λjlelob Jacob.

27 Ch_Λ'_Λch mi quej c ts'_Λctisan jini trato b_Λ c t'an
quic'otyob

che' mic ñus_Λbeyob i mul.
Che' mi y_Λl Dios ti Ts'ijbubil b_Λ i T'an.

28 Jini israelob mi contrajintyelob ti Dios cha'an ti' ñus_Λbeyob i t'an cha'an laj coty_Λntyel. Pero cha'an ti' contrajiyob Dios israelob, ti queji ti sujbel jini wen b_Λ t'an ya' ba'añetla mach b_Λ israelet b_Λ la. Pero aunque ch_Λ'_Λch ti' cha'le Dios, mu' tyo i bej p'untyañob israelob como yajc_Λbil i cha'an Dios jini i yumob ti ñoj oniyix.

29 Dios mach'an mi' q'uextyan i pensal cha'an ch_Λ b_Λ tyac mi y_Λq'uen. Mach'an mi' q'uextyan i pensal cha'an mu' b_Λ i p_Λye' cha'an mi yochel ti i cha'an.

³⁰ Ti oniyix jatyetla mach b_Λ israelet la ti la' ñ_{US}Δbe i t'an Dios. Pero wale Dios mi' p'untyañetla como jini israelob ti' ñ_{US}Δbeyob i t'an.

³¹ Lajal bajche' jatyetla ti la' ñ_{US}Δbe i t'an Dios ti ñoj oniyix, ch_Λ'_Λch ch_Λncox i ñ_{US}Δben i t'an Dios israelob je'el. Pero Dios mi quejel i p_{AS}'eñob israelob i p'unty_Δntyel ch_Λ'_Λch bajche' mi' p'untyañetla mach b_Λ israelet la.

³² Como Dios mi y_Λe' ti xmulilob ti pejtyelex quixtyañu cha'an ti' ñ_{US}Δbeyob i t'an. Pero cha'an lu' xmulilob, Dios ch'ujbi i lu' p_{AS}'eñob i p'untyaya.

³³ Ma'an i p'isol jini wen tyac b_Λ i cha'an Dios yic'ot i ña'ty_Λbal. Mach ch'ujbi laj c_Λmben i ña'ty_Λbal. Mach ch'ujbi lac saj ch'_Λmben isujm jini mu' b_Λ i cha'len.

³⁴ Como ¿am ba majch mi' ch'_Λmben isujm ch_Λ b_Λ mi' ña'tyan lac Yum? ¿Am ba majch ti' c_Δntis_Λ lac Yum? Mach'an majch.

³⁵ ¿Am ba majch ti ñaxan aq'ue i majtyan Dios cha'an mi' cha' ch'_Λmben i q'uexol? Ma'an majch.

³⁶ Como ch'oyol ti Dios ti pejtyelex ch_Λ b_Λ an. Lu' i melbal_Λch. Ti' lu' mejli cha'an mi tsictiyel i ñucl_Λl. La' subjic i ñucl_Λl Dios ti pejtyelex ora. Amén.

12

Jini tsijib b_Λ laj cuxty_Λlex ti Cristo

¹ Jin cha'an quermañujob, cha'an ñoj cab_Λl ti' p'unty_Δyonla Dios yom mi laj c_{AC}' lac b_Λ ti Dios che' bajche' cuxul b_Λ i majtyan yubil mu' b_Λ i mulan Dios. Como ch_Λ'_Λch yom mi lac ch'ujutisan Dios ti pejtyelex lac pusic'al.

² Mach yom mi la' cha'len mach'_Λ wen bajche' i ty_Λlex mi' cha'leñob jini año' b_Λ ti mulawil. Pero jini

yom b_Λ jiñ_Λch cha'an q'uextiyic la' pensal cha'an mi' tsijibtis_Λntyel la' pusic'al. Che' jini ch'ujbi la' c_Λn ch_Λ b_Λ yom Dios. Mi la' c_Λn ch_Λ b_Λ wen tyac, ch_Λ b_Λ mi' mulan Dios yic'ot ts'_Λc_Λl mi la' mele' bajche' yom Dios.

³ Dios ti y_Λq'ueyon j c'_Λjnibal ti subt'an cha'an ti yutsllel i pusic'al. Jin cha'an mic subeñetla ti jujuntiquiletla mach yom mi la' ña'tyan ti la' pusic'al más an la' ñucl_Λ bajche' an la' ñucl_Λ. Pero ti tyoj b_Λ la' pensal ti jujuntiquil yom i pensalin ch_Λ b_Λ yes yoque i c'_Λjnibal tsa' b_Λ aq'uenti ti Dios cha'an ti ch'ujbi cha'an mi' cha'len ch_Λ b_Λ yom Dios.

⁴ Ti' b_Λc'tyal jujuntiquil an cab_Λl ch_Λ b_Λ tyac chucul. Pero mach junchajpic jach i c'_Λjnibal jini chuchbil tyac b_Λ.

⁵ Che' je'el ochemon b_Λ la ti' t'an Dios, aunque cab_Λlonla, jump'ej jach lac b_Λc'tyal yubil che' mi la cajñel yic'ot Cristo. Lac tyem cha'añ_Λch lac b_Λ ti jump'ej jach b_Λc'tyal_Λl yubil.

⁶ Dios, ti yutsllel i pusic'al, ti y_Λq'ueyonla laj c'_Λjnibal ti jujuntiquilonla jiñ_Λch bajche' yom Dios. Mach junlajal ti y_Λc'onla laj c'_Λjnibal. Yom mi laj c'_Λn laj c'_Λjnibal. Mi an laj c'_Λjnibal ti subt'an, yom mi lac sub ti p'isol bajche' Dios mi y_Λq'ueñonla lac ch'ujbin.

⁷ Mi ti y_Λq'ueyonla laj c'_Λjnibal cha'an laj cotyan yaño' b_Λ, yom mi lac cha'len cotyaj ti jump'ej lac pusic'al. Mi an laj c'_Λjnibal lac cha'len c_Λntisa yom mi lac cha'len ti wen.

⁸ Jini yujil i ñuc is_Λben i pusic'al i pi'_Λl, la' i bej cha'len. Jini mu' b_Λ i y_Λq'uen i pi'_Λlob ch_Λ b_Λ an i cha'an, yom i y_Λq'uen ti pejtyel i pusic'al. Jini am b_Λ i ye'tyel cha'an i tyoj'isan ochemo' b_Λ ti' t'an

Dios, yom i wen cha'len ti xuc'ty^Λlel i pusic'al. Jini mu' b^Λ i p'untyan año' b^Λ i wocol cha'an i cotyan, yom i cha'len ti' tijicniyel i pusic'al.

Jini yom b^Λ i cha'len ochemo' b^Λ ti' t'an Dios

⁹ Yom mi la' p'untyan la' b^Λ ti pejtyel la' pusic'al. Choco loq'uel ti la' pusic'al ti pejtyel i simaronlel. Bej cha'lenla ch^Λ b^Λ tyac wen.

¹⁰ P'untyan la' b^Λ ti pejtyel la' pusic'al che' bajche' la' wijts'in la' b^Λ. Yom mi la' más q'uel ti ñuc la' pi' ^Λlob bajche' mi la' bajñel q'uel la' b^Λ.

¹¹ Bej cha'lenla wersa. Mach yom ts'ubetla. Cha'libenla i toñel lac Yum ti pejtyel la' pusic'al.

¹² Yom tijicñayetla cha'an jini ch^Λncol b^Λ la' bej pijtyan ti lac Yum. Yom mi la' cuche' ti wen la' wocol. Mach yom la' saj c^Λy la' cha'len oración.

¹³ Che' an i wocol ochemo' b^Λ ti' t'an Dios cotyañob ti ch^Λ b^Λ tyac yom i cha'an. P^Λy^Λla ochel ti la' wotyot mu' b^Λ i jula'añetla.

¹⁴ Aq'uenla i yutslel la' t'an jini mu' b^Λ i ty^Λc'lañetla. Mach yom mi la' ch' ^Λque'. Yom mi la' c'ajtiben Dios i yutslel i t'an ti' tyojlelob.

¹⁵ Yom c'ajacña la' woj yic'ot c'ajacñayob b^Λ i yoj. Cha'lenla uq'uel yic'ot jini muc'ob b^Λ ti uq'uel.

¹⁶ Ajñenla ti jump'ej la' pusic'al yic'ot la' pi' ^Λlob. Mach yom mi la' q'uel la' b^Λ ti ñuc pero lajal ajñenla awic'ot jini mu' b^Λ i q'uelob i b^Λ ti pec'. Mach yom mi la' lolon ña'tyan jatyetla an cab^Λ la' bajñel ña'ty^Λbal.

¹⁷ Mach yom mi la' q'uextyan i simaronlel yamb^Λ quixtyañu. Jop'oxla la' cha'len wen b^Λ ti' tyojlelob ti pejtyelel quixtyañujob.

18 Cha'lenla ti pejtyelel bajche' ch'ujbi la' cha'len, cha'an mi mux i mejlel mi la' wajñel ti ñach'al yic'ot ti pejtyel quixtyañujob.

19 P'untyabilet b_Λ la quermañujob, mach yom mi la' bajñel q'uextyab_{en} i simaronlel yaño' b_Λ. La' ajnic. Dios mi quejel i q'uextyab_{en}. Como mi yal_e' ti Ts'ijbubil b_Λ i T'an Dios: An tic wenta mij q'uextyab_{en} i simaronlel. Joñon mi caq'uen i xot'e' ch_Λ b_Λ ti' cha'le ti a contra, che' mi yal lac Yum ti Ts'ijbubil b_Λ i T'an.

20 Mi yal_e' je'el: Che' mi yubin wi'ñal a contra, we'isan. Mi ty_Λquin i ti', aq'uen ch_Λ b_Λ mi' jap. Mi ch_Λ'ach mi la' cha'len mi quej i quisnin i b_Λ cha'an jini tsa' b_Λ i cha'le ti a contra. Che' mi yal_e' ti' t'an Dios.

21 Che' an la' contrajintyel, ma' mi la' q'uextyab_{en} i simaronlel, pero yom mi la' cha'len uts b_Λ ti i tyojlel.

13

1 Ti jujuntiquil wersa yom mi' ch'ujbiben i t'an jini año' b_Λ ye'tyel ti mulawil. Como Dios ti yac'Λ i t'an cha'an i wa'chocontyel e'tyelal tyac. Dios ti' wa'chocoyob jini año' b_Λ ye'tyel.

2 Jin cha'an, jini mu' b_Λ i ñusabeñob i t'an jini año' b_Λ ye'tyel ch_Λncol i ñusab_{en} jini wa'chocobil b_Λ i cha'an Dios. Jini mu' b_Λ i ñusañob t'an añach i mul. Mi quej i xot' i mul ti tyojlel am b_Λ ye'tyel.

3 Como mach wa'chocobil am b_Λ ye'tyel cha'an i bac'tisan quixtyañu mu' b_Λ i cha'len ch_Λ b_Λ wen pero jini jach mu' b_Λ i cha'len simaronlel. Mi mach a wom a bac'ñan jini am b_Λ ye'tyel, bej cha'lenla wen b_Λ. Che' jini mi' q'uelet ti wen.

⁴ Como jini am b_Λ ye'tyel i winic_Λch Dios cha'an ma' c_Λñ_Λty_Λntyel. Mi ch_Λncol a cha'len simaronlel, yom mi la' b_Λc'ñan che' jini, como mach lolomic jach an i ye'tyel cha'an i y_Λq'ueñet a xote' jini tsa' b_Λ a cha'le. Dios mi' c'ñe' jini am b_Λ ye'tyel cha'an i y_Λq'uen i xote' i mul jini mu' b_Λ i cha'len simaronlel.

⁵ Jin cha'an yom mi la' ch'ujbiben i t'an jini año' b_Λ ye'tyel, mach cha'an jach mi la' b_Λc'ñan i y_Λq'ueñet a xot' a mul, pero cha'an mach'an mi quej ti t'an la' pusic'al.

⁶ Jin cha'an yom mi la' w_Λc' tyojoñel je'el cha'an i coty_Λntyelob jini año' b_Λ ye'tyel. Como i winicob_Λch Dios ch_Λncol b_Λ i cha'libeñob i ye'tyel cha'an lac wenlel.

⁷ Aq'ueñob ti pejtyelelob jini yom b_Λ i y_Λq'uentyelob. Jini mu' b_Λ i ch'ame' tyojoñel, aq'uenla. Jini mu' b_Λ i ch'ame' tyojoñel cha'an ch_Λ b_Λ an la' cha'an, aq'uenla je'el. Jini yom b_Λ q'uejlic ti ñuc q'uelela ti ñuc. Jini yom b_Λ subjic ti ñuc, subula i ñuclel.

⁸ Tyojo la' bet ti pejtyelel bajche' ti a w_Λc'Λ a t'an. Como ch'Λch an ti a wenta. Como cha'an p'untyaya, an ti la' wenta la' bej p'untyan la' b_Λ, como jini mu' b_Λ i p'untyan i pi'lob ts'Λc_Λ mi' ch'ujbiben bajche' mi xijq'uelob ti mandar.

⁹ Mi y_Λle' ti mandar tyac: Mach a pejcan yamb_Λ winic yamb_Λ x'ixic. Mach a cha'len ts_Λnsa. Mach a cha'len xujch'. Mach a cha'len lot ti' contra a pi'lob. Mach a mich'q'uel ch_Λ b_Λ an i cha'an a pi'lob. Che' mi y_Λl ti mandar. Pero ts'Λc_Λ mi lac jac' ili mandar yic'ot ti pejtyelel yamb_Λ mandar tyac che' mi lac ch'ujbiben jini jump'ej mandar ba'

mi' yalē': P'untyan a pi' ʌlob che' bajche' ma' bajñel p'untyan a bʌ. Che' an ti mandar.

¹⁰ Jini mu' bʌ i p'untyan i pi' ʌlob mach'an chʌ bʌ mi' cha'len ti' contra. Jin cha'an, che' mi lac cha'len p'untyaya, ts' ʌcʌl chʌncol lac jac' jini mandar.

¹¹ Yom mi la' cha'len pejtyel bajche' tic subetla, pero com je'el mi lac ña'tyan jiñʌch i yorojlel yom mi lac p'ixtisan lac bʌ ti wʌyel yubil. Como wale más ʌc' ʌlix i yorojlel mi quej i tyʌlel Cristo che' bajche' che' ñac ti lac ñaxan ch'ujbi melelʌch i t'an.

¹² Yomox ñumel ac'bʌlel. Yomox sac'an yubil como ʌc' ʌlix i cha' tyʌlel lac Yum. Jin cha'an yom mi laj cʌy lac cha'len mu' bʌ i cha'leñob ti ic't'ojñal yubil. La' la cajñel ti wen che' bajche' quixtyañu mu' bʌ i cha'len xʌmbal ti q'uinil yubil.

¹³ La' lac cha'len bajche' yom che' añonla ti q'uinil. Mach yom mi lac cha'len q'uixnijel, mi lecojic bʌ q'uinijel tyac, mi t'anic yic'ot yambʌ winic yambʌ 'ixic, mi yanic bʌ bibajax bʌ mu' bʌ i cha'leñob, mi periyalic, mi i mich'q'uelolic chʌ bʌ i cha'an lac pi' ʌlob.

¹⁴ Pero jini yom bʌ, jiñʌch cha'an mi la cʌc' lac bʌ ti Cristo cha'an mi la cajñel che' bajche' yom lac yum Jesucristo. Yom mi laj cʌy lac pensalin lac cha'len chʌ bʌ mi' xic'onla lac cha'len jini lac bajñel pusic'al.

14

Mach yom a lolon al mi mach wen mi' cha'len yambʌ che' mach'an ma' ña'tyan

¹ Mi an juntiquil ochem bʌ ti' t'an Dios pero mi max tyo mi' wen ch'ʌmben i sujmllel jini t'an,

pɿyɿla ochel ya' ba' mi la' much'quin la' bɿ, pero mach cha'an ic jach la' wom la' cɿɿɿ pejcan cha'an mu' bɿ i pensalin ti cha'chajplel i pusic'al.

² La' lac poj ale': An ochemo' bɿ mu' bɿ i ña'tyan cha'an ch'ujbiyɿch i lu' c'uxe' chɿ bɿ c'uxbil. Pero jini max tyo ti' wen ch'ambeyob isujm, ma'ix mi lu' c'uxe'. Jini jach mi' c'uxob pɿc'bil tyac bɿ.

³ Jini mu' bɿ i c'uxe' ti pejtyelex chɿ bɿ c'uxbil, mach yom i yɿle' cha'an mach wen mi' cha'len jini mach bɿ yom i lu' c'uxe'. Jini mach bɿ yom i lu' c'uxe' chɿ bɿ tyac, mach yom i lolon yɿle' ti' pusic'al cha'an an i mul jini mu' bɿ i lu' c'uxe' como i cha'añach Dios jini quixtyañu je'el.

⁴ ¿A wenta ba cha'an ma' wɿle' mach wen mi' cha'len i winic juntiquil yumɿ? I wentajach i yum jini winic cha'an mi' q'uel mi wen o mi mach wen mi' cha'len. Pero weñach mi quejel i yujtyel yic'ot jini ochemo' bɿ ti' t'an Dios como an i p'ɿtyɿlel Dios yic'ot cha'an i cotyan cha'an weñach mi yujtyel.

⁵ La' lac poj cha' ale: An je'el jini mu' bɿ i q'uel ti más ñuc jump'ej q'uin bajche' yambɿ q'uin. An yaño' bɿ junlajal mi' q'uelob ti pejtyelex q'uin tyac. Pero ti jujuntiquil yom i wen ña'tyan ti jump'ej i pusic'al bajche' yom.

⁶ Jini mu' bɿ i mel q'uin cha'an i ch'ujutisan lac Yum, mi' mele' cha'an i nuc isan lac Yum. Jini mach bɿ ba'an mi mel q'uin mi' ñusan i mele' cha'an i ñuc isɿntyel lac Yum je'el. Jini mu' bɿ i lu' c'uxe' chɿ bɿ c'uxbil chɿ'ach mi' cha'len cha'an mi' ñuc isan lac Yum como mi' suben Dios wocox i yɿɿɿ. Jini mach bɿ ba'an mi' c'uxe' ti pejtyelex chɿ bɿ tyac, chɿ'ach mi' cha'len je'el cha'an i ñuc isɿntyel lac Yum. Mi' suben Dios wocox i yɿɿ je'el.

⁷ Joñonla, che' ochemonla ti' t'an Dios, añonla ti' c'ʌb lac Yum. Ma'an mi lac cha'len bajche' mi lac bajñel mulan ti lac pusic'al. Mi la cajñel bajche' yom lac Yum. I wentajonla Dios mi cuxulonla o mi ti sajtiyonla.

⁸ Che' cuxulon tyo la, cuxulonla cha'an mi lac cha'len bajche' yom lac Yum. Che' mi lac sajtyel mi lac sajtyel cha'an che' yom lac Yum. Jin cha'an, mi cuxulonla o mi sajtyemonla, i cha'añonla lac Yum.

⁹ Como ti sajti Cristo. Ti cha' tyejchi loq'uel ba'an sajtyemo' bʌ. Cha' cuxulix cha'an mi yochel ti' Yum sajtyemo' bʌ yic'ot cuxulo' bʌ.

¹⁰ Jatyet, ¿chucoch ma' lolon al ti a pusic'al an i mul a wermañu che' mach'an ma' ña'tyan? ¿Chucoch ma' ts'a'q'uel a wermañu? Como ti lac pejtyelel mi quejel lac wa'tyʌl ya' ba' mi' melonla Cristo.

¹¹ Mi yʌle' ti Ts'ijbubil bʌ i T'an Dios:
Lajal melez ili t'an che' bajche' melez ch
cuxulon, che' mi yʌl lac Yum. Ti pejtyelel
quixtyañujob mi quejel i wersa ñoc
chocoñob i bʌ tic tyojlel.

Ti pejtyelelob mi quejel i subob i bʌ cha'an joñon
Dioson.
Che' ts'ijbubil.

¹² Che' jini ti jujuntiquilonla mi quejel lac sub lac
bʌ ya' ti tyojlel Dios.

Mach a wac' ti yajlel ti mulil a wermañu

¹³ Che' jini mach yom mi lac bej al ti lac pusic'al
mi an i mul lac pi'ʌlob che' mach'an mi lac ña'tyan.
An ti lac wenta lac wersa ña'tyan cha'an mach'an

mi lac saj cha'len ch_Λ b_Λ tyac mu' b_Λ i y_Λsan ti mulil la quermañu, mi ch_Λ b_Λ yes mi y_Λc' i yajlel ti mulil.

14 Cha'an ti lac ch'ujbi ajcotyaya lac cha'an lac Yum Jesús, mi lac wen ña'tyan ti jump'ej lac pusic'al cha'an mach'an ch_Λ b_Λ tic'bil cha'an laj c'uxe'. Lu' c'uxbil_Λch. Pero mi an majch mu' b_Λ i bajñel pensalin cha'an mach wen i c'uxe' ch_Λ b_Λ jach, che' jini mach wen i c'uxe' como ch_Λ'_Λch mi' bajñel pensalin ti' pusic'al.

15 Aunque mach'an ch_Λ b_Λ mi y_Λl a pusic'al che' ma' c'uxe' ch_Λ b_Λ jach, pero mi cha'an ti a c'uxu ti a tyejchbe i ch'_Λjyemlel i pusic'al a wermañu cha'an ti caj mach yom c'uxol mi' lolon ña'tyan, che' jini mi ti a bej c'uxu mach'an ma' p'untyan a wermañu, yubil. Mach yom a w_Λc' ti yajlel a wermañu cha'an jach a wom a c'uxe' ch_Λ b_Λ jach, como Cristo ti sajti cha'an a wermañu je'el.

16 Aunque ma' ña'tyan wen jini ch_Λncol b_Λ a cha'len, pero mach yom a w_Λc' ti tyechol mach'_Λ wen b_Λ t'an ti caj.

17 Che' mi lac yumin Dios mach jinic mi y_Λq'ueñonla lac pensalin ch_Λ b_Λ yom mi laj c'ux ch_Λ b_Λ yom mi lac jap. Pero mi y_Λq'ueñonla lac pensalin cha'an yom mi la cajñel ti tyoj cha'an mi la cajñel ti ñ_Λch'ty_Λlel lac pusic'al yic'ot ti c'ajacña b_Λ la coj ch'oyol b_Λ ti Ch'ujul b_Λ i Ch'ujlel Dios.

18 Jini mu' b_Λ i ña'tyan aunque mach'an ch_Λ b_Λ mi' cha'len mi ti' c'uxu ch_Λ b_Λ jach, pero mach'an mi' c'uxe' cha'an mi' p'untyan i yermañu, mi' cha'liben i toñel Cristo. Mi q'uejlel ti wen ti Dios yic'ot ti quixtyañujob.

19 Che' jini, la' lac wersa ña'tyan ch_Λ b_Λ tyac yom cha'an mi la cajñel ti ñ_Λch'_Λl yic'ot cha'an bajche' yom mi lac motin xuc'chocon lac b_Λ ti lac Yum.

20 Mach a m_Λcty_Λben i nij_Λbentyel i pusic'al quixtyañu ti Dios cha'an ti caj ch_Λ b_Λ jach ma' c'ux. Melel, weñ_Λch ti pejtyelex ch_Λ b_Λ tyac an. Pero mi an juntiquil la quermañu mu' b_Λ i pensalin cha'an mulil_Λch i c'uxe' ch_Λ b_Λ mi laj c'ux, pero mi ti wersa c'uxu che' mi yilan ch_Λncol laj c'uxe', tsa'ix la c_Λc'_Λ ti yajlel ti mulil yubil como ti' c'uxu jini mu' b_Λ i bajñel pensalin tiq'uil i c'uxe'.

21 Weñ_Λch mach'an mi la' bej c'uxe' we'el mi mach'an mi la' jape' vino mi mach'an mi la' cha'len ch_Λ b_Λ tyac mu' b_Λ i y_Λq'uen i yajlel ti mulil la quermañu, o mu' b_Λ i y_Λq'uen cha'chajplel i pensal cha'an bajche' mi' ch'ujbin lac Yum.

22 Jini mu' b_Λ a ch'ujbin, ch'ujbin ti pejtyelex a pusic'al ti' tyojlel Dios. Tijicña jini winic mach'_Λ ba'an ch_Λ b_Λ mi y_Λle' i pusic'al cha'an jini mu' b_Λ i cha'len.

23 An i mul jini mu' b_Λ i c'uxe' ch_Λ b_Λ tyac che' cha'chajp i pensal cha'an mi' pensalin mi wen o mi mach wen i c'uxe'. Como mach'an ti' c'uxu ti jump'ej i pusic'al. Che' mi lac pensalin ti lac pusic'al cha'an mach che'ic yom mi lac cha'len pero mi ti lac cha'le, mulil_Λch che' jini como mach'an ti lac cha'le ti jump'ej lac pusic'al.

15

Yom lac cha'len mu' b_Λ i q'uel ti wen la quermañu

¹ Joñonla, xuc'ulon b_Λ la ti jini mu' b_Λ lac ch'ujbin, yom mi laj cuchben i c'unlel jini c'un b_Λ la quermañu. Mach yom mi lac cha'len ch_Λ b_Λ bajñel yom lac pusic'al.

² Ti jujuntiquilonla, yom mi lac cha'len jini mu' b_Λ i q'uel ti wen la quermañujob cha'an i wenlel yic'ot cha'an i xuc'choncontyel i pusic'al ti lac Yum.

³ Como Cristo mach'an ti' cha'le ch_Λ b_Λ bajñel yom i pusic'al pero ti ujti yic'ot bajche' mi y_Λle' ti Ts'ijbubil b_Λ i T'an Dios. Cristo ti' sube Dios: Che' ñac ti y_Λ'eyetyob, ti y_Λ'eyoñob, che'en. Che' ts'ijbubil.

⁴ Como ti pejtyelel tsa' b_Λ ts'ijbunti ti' t'an Dios ti ñoj oniyix, ti ts'ijbunti cha'an laj c_Λantis_Δntyel. Mi y_Λq'ueñonla i xuc'ty_Λlel lac pusic'al yic'ot i ñuc is_Δntyel cha'an mach'an mi lac lujb'an laj cuche' ti wen lac wocol.

⁵ Jini Dios mu' b_Λ i y_Λq'ueñonla i xuc'ty_Λlel yic'ot i ñuc is_Δntyel lac pusic'al, la' i y_Λq'ueñetla la' motin ajñel ti jump'ej la' pusic'al che' bajche' yom Cristo Jesús.

⁶ Che' jini, ti jump'ej la' pusic'al ch'ujbi la' motin sub i ñuclel Dios, i Tyat lac Yum Jesucristo.

I subol i t'an Dios ba'an mach b_Λ israelob

⁷ Jin cha'an, cha'an i ñuc is_Δntyel Dios, q'uele la' b_Λ ti wen che' bajche' ti' q'ueleyetla ti wen.

⁸ Mic subeñetla cha'an ti ty_Λli Cristo cha'an i cotyan israelob cha'an mi' ts'_Δtisan jini t'an tsa' b_Λ w_Λ subentiyob lac yumob ti ñoj oniyix. Che' bajche' jini mi y_Λc' ti tsictiyel cha'an melel_Λch mi' ts'_Δtisan Dios jini tsa' b_Λ i w_Λ al_Λ mi quej i cha'len.

⁹ Ti ty^Λli je'el cha'an mi y^Λq'ueñob jini mach b^Λ israelobic cha'an i subeñob i ñucl^Λel Dios cha'an ti' p'unty^Λntiyob je'el. Che' bajche' mi y^Λle' ti Ts'ijbubil b^Λ i T'an Dios. Cristo ti' pejc^Λ Dios. Ti y^ΛΛ^Λ:

Jini cha'an mi quej c sub a wenlel ya' ba'añob mach b^Λ israelobic.

Ti c'ay mi quej c tsictisan a ñucl^Λel.

Che' ts'ijbubil.

¹⁰ Ya' ti yamb^Λ t'an ti Ts'ijbubil b^Λ i T'an Dios mi y^Λle':

Jatyetla mach b^Λ israelet la, motin tijicnisan la' pusic'al la' wic'ot jini yajc^Λbilo' b^Λ i cha'an Dios.

Che' ts'ijbubil.

¹¹ Ya' ti yamb^Λ t'an mi y^Λle':

Subula i ñucl^Λel Dios ti pejtyeletla mach b^Λ israeletic la.

Subula i ñucl^Λel Dios ti pejtye^Λlel quixtyañujob ti pejtye^Λlel pañimil tyac.

Che' ^Λch ts'ijbubil.

¹² Ti y^ΛΛ^Λ Isaías je'el:

Mi quej i ty^Λlel juntiquil i jiñ^Λjlel Isaí.

Mi quej i cha'len yum^Λl ti pejtye^Λlel ba'an mach b^Λ israelobic.

Mi quej i ch'ujbiñob cha'an jiñ^Λch mu' b^Λ i yochel ti ajcotyaya i cha'añob je'el.

Che' ti y^ΛΛ^Λ.

¹³ Dios mu' b^Λ y^Λq'ueñetla la' pijtyan la' q'uel i ñucl^Λel, la' i wen y^Λq'ueñetla i tijicniyel la' pusic'al yic'ot i ñ^Λch'ty^Λlel cha'an ch^Λncol la' ch'ujbin Dios. La' i jambeñetla la' pusic'al Ch'ujul b^Λ i Ch'ujlel Dios cha'an mi quej la' wen ña'tyan cha'an

melel_Λch mi quej i tsictiyel bajche' ch_Λncol la' pijtyan.

¹⁴ Quermañujob, cujil isujm an cab_Λl i yutslel la' pusic'al yic'ot yaño' b_Λ. Cujil isujm je'el cha'an tsa'ix la' wen c_Λñ_Λ i t'an Dios yic'ot la' wujil la' c_Λntisan la' b_Λ.

¹⁵ Wersa tic xiq'ui c b_Λ cha'an mic ts'ijbubeñetla ili t'an. Pero che' jach mic cha'len cha'an mic cha' c'ajtis_Λbeñetla jini c_Λñ_Λlix b_Λ la' cha'an. Dios, ti' yutslel i pusic'al ti y_Λq'ueyon que'tyel cha'an ch_Λ'_Λch mic cha'len.

¹⁶ Ti y_Λq'ueyon i yutslel i pusic'al cha'an mic sub Jesucristo ya' ba'an jini mach b_Λ israelobic. Che' mic sub jini wen b_Λ t'an mic cha'len c toñel cha'an i coty_Λntyelob cha'an mi c_Λq'uen Dios jini mach b_Λ israelo' b_Λ cha'an i majtyan yubil. Jiñ_Λch i majtyan yom b_Λ i ch'_Λm Dios ch'ujutis_Λbil i cha'an Ch'ujul b_Λ i Ch'ujlel Dios.

¹⁷ Tijicñayon cha'an wen tic cha'libe i toñel Dios. Wen tic cha'le mach cha'anic c bajñel c toñel, pero cha'an Cristo ti' coty_Λyon.

¹⁸ Mach'an ch_Λ b_Λ yamb_Λ com c subeñetla. Jini jach com tsictis_Λbeñetla jini tsa' b_Λ i cha'le Cristo che' ñac ti' c'_Λñ_Λyon. Che' ñac tic subeyob i t'an Dios jini mach b_Λ israelobic, Dios ti' c'_Λñ_Λ c t'an yic'ot bajche' tic cha'le cha'an i y_Λq'ueñob i ch'ujbiben Dios.

¹⁹ Dios ti' p_Λs_Λ i p'_Λty_Λlel ti seña tyac yic'ot ti ñuc tyac b_Λ i p'_Λty_Λlel. Ch'ujul b_Λ i Ch'ujlel Dios ti' cha'le toñel ti i p'_Λty_Λlel ti' pusic'alob cha'an ti' ch'ujbiyob. Che'_Λch ts'_Λc_Λl tic wen subu majlel jini t'an cha'an laj coty_Λntyel ti Cristo c'_Λl_Λ ti Jerusalén c'_Λl_Λ ti pañimil Ilírico b_Λ i c'aba'.

20 Che' jini mic wen cha'len wersa c sub jini t'an cha'an laj coty^Λntyel ba' max tyo b^Λ ba'an ubibilob i cha'an i c'aba' Cristo, como mach com c cha'len toñel ba' ti' tyeche i toñel yamb^Λ.

21 Pero jini com b^Λ c subeñob jiñ^Λch bajche' mi y^Λle' ti Ts'ijbubil b^Λ i T'an Dios. Mi y^Λle':
 Jini mach b^Λ ba'an ti saj subentiyob i t'an Cristo mi quej i jajmelob i wut yubil.
 Jini max tyo ba'an ti yubiyob i t'an mi quej i ch'^Λmbeñob isujm.
 Che' ts'ijbubil ti' t'an Dios.

Pablo mi' ña'tyan i majlel ti Roma

22 Jin cha'an, wersa com c subeñob i t'an Dios jini max tyo b^Λ ubibilob i cha'an. Aunque cab^Λ tic jop'o ty^Λlel cula'añetla pero max tyo ti mejliyon ti ty^Λlel.

23 Pero wale tsa'ix ujti c toñel w^Λ' ti ili lum tyac. Anix cab^Λ jab com c ty^Λlel ya' ba'añetla.

24 Ba' b^Λ ora mic majlel ti pañimil España b^Λ i c'aba, com c poj jula' añetla che' mic ñumel ya' ba' añetla. Tijicña mi quej cubin cha'an mij q'ueletla. Che' jini che' tsa'ix cula'ayetla com mi la' cotyañon c majlel ya'i.

25 Pero wale mi quej c majlel ya' ti Jerusalén cha'an mic ch'^Λme' majlel tyaq'uin cha'an p'ump'uño' b^Λ ochemo' b^Λ ti' t'an Dios ya'i.

26 Como jini año' b^Λ ti Macedonia yic'ot ti Acaya tsa'ix i much'quiyob tyaq'uin tsa' b^Λ i lajayob i t'an i much'quin cha'an i chocob majlel i majtyan ba'an jini p'ump'uño' b^Λ ochemo' b^Λ ti' t'an Dios ya' ti Jerusalén.

27 Ch^Λach ti' mulayob i cotyañob jini israelo' b^Λ ochemo' b^Λ ti' t'an Dios jini mach b^Λ israelobic. Ch^Λach yom yubil como jini israelo' b^Λ ti' coty^Δyob jini mach b^Λ israelobic cha'an ti' subeyob jini wen b^Λ t'an cha'an laj coty^Δntyel ti Cristo. Jin cha'an jini mach b^Λ israelo' b^Λ hermañujob yomob i cotyañob jini israelo' b^Λ hermañujob ti ch^Λ b^Λ an i cha'añob.

28 Ba' b^Λ ora mi yujtyel ili c toñel cha'an mi c^Λq'ueñob jini tyaq'uin mi quej c loq'uel majlel cha'an mic majlel ya' ti España. Com cula'añetla che' mic ñumel majlel.

29 Cujil isujm che' mic ty^Δlel ya' ba' añetla mi quej i motin y^Δq'ueñonla Cristo cab^Λ i yutslel i pusic'al, joñon che' mic sube' i t'an, jatyetla che' mi la' wubin.

30 Wale mic subeñetla, la' wocolic hermañujob, cha'an ti lac Yum Jesucristo yic'ot cha'an ti caj mi lac p'untyan lac b^Λ cha'an ti Ch'ujul b^Λ i Ch'ujlel Dios, cha'lenla wersa quic'ot ti oración.

31 Pej^cbeñonla Dios cha'an mach'an mi' ty^Δc'lañoñob jini mach b^Λ saj yom i ch'ujbin Cristo ya' ti pañimil Judea b^Λ i c'aba'. C'ajtibenla Dios je'el cha'an hermañujob ya' ti Jerusalén mi quej i mulan i ch'^Δmob jini tyaq'uin ch^Δncol b^Λ c ch'^Δmbeñob majlel.

32 C'ajtibenla Dios je'el cha'an mi ch^Λach yom i pusic'al, tijicña c pusic'al mij c'otyel ti jula' ya' ba' añetla, yic'ot cha'an mi ñuc is^Δntyel c pusic'al che' ya' añon la' wic'ot.

33 La' ajnic la' wic'ot ti la' pejtyelel jini Dios mu' b^Λ i y^Δq'ueñonla i ñach'ty^Δlel lac pusic'al. Amén.

16

Saludo tyac

¹ Com mi la' cΛn la quermana Febe. Mi' cha'len cotyaj che' bajche' diácono ba'an ochemo' bΛ ti' t'an Dios ya' ti Cencrea.

² PΛyΛa ochel ti la' wotyot che' bajche' yom che' hermañujonla ti lac Yum. Cotyanla mi an chΛ bΛ yom i cha'an como tsa'ix i cotyΛyob cabΛlob. Tsa'ix i cotyΛyon je'el.

³ Aq'ueñob saludos Priscila yic'ot Aquila. Ti' cha'lebeyob i toñel Cristo Jesús quic'ot.

⁴ Colel i tsΛnsΛntyelob cha'an ti' cotyΛyoñob. Mic subeñob wocox i yΛΛ. Mach c bajñel jach mic subeñob wocox i yΛΛ pero ti pejtyelex mach bΛ israelobic bΛ hermañujob je'el ba'ical jach mi' much'quiñob i bΛ mi subeñob wocox i yΛΛ, jini cha'tiquilob.

⁵ Aq'ueñob saludos je'el jini hermañujob mu' bΛ i much'quiñob i bΛ ya' ti yotyot Priscila yic'ot Aquila. Aq'uen saludos je'el jini p'untyΛbil bΛ Epeneto bΛ i c'aba', uts bΛ quic'ot. JiñΛch jini ñaxan bΛ tsa' bΛ i ch'ujbi lac Yum ya' ti pañimil Acaya bΛ i c'aba'.

⁶ Aq'uenla saludos jini María tsa' bΛ i cha'le cabΛ toñel ya' ba'añetla.

⁷ Aq'ueñob saludos Andrónico yic'ot Junias, jini israelo' bΛ c pi'Λlob. Ti cΛjchiyob je'el. Ñuc mi q'uejlelob cha'an jini chocolo' bΛ majlel ti subt'an. Ñaxan ti' ch'ujbiyob Cristo ti' pusic'al. Wi'ilon je'el.

⁸ Aq'uen saludos Amplias, jini uts bΛ quic'ot mu' bΛ c p'untyan ti lac Yum.

9 Aq'uen saludos Urbano, mu' b_Λ ti toñel la quic'ot ti i toñel Cristo Jesús. Aq'uen saludos je'el Estaquis mu' b_Λ c p'untyan.

10 Aq'uen saludos Apeles tsa' b_Λ i cuchu ti wen cab_Λl wocol cha'an ti' ch'ujbi Cristo. Aq'uen saludos je'el jini año' b_Λ ti yotyot Aristóbulo.

11 Aq'uen saludos Herodión, juntiquil israel b_Λ c pi'Λl. Yic'ot aq'uen saludos je'el jini mu' b_Λ i ch'ujbin lac Yum año' b_Λ ti yotyot Narciso.

12 Aq'uen saludos Trifena yic'ot Trifosa mu' b_Λ i wen cha'libeñob i toñel lac Yum. Aq'uen saludos je'el jini p'unty_Λbil b_Λ la quermana Pérsida tsa' b_Λ i cha'libe cab_Λl i toñel lac Yum je'el.

13 Aq'uen saludos Rufo, wen ñuc b_Λ ti lac Yum. Aq'uen saludos i ña' je'el. Che' bajche' c ña'Λch ti cubi.

14 Aq'uen saludos je'el Asíncrito, yic'ot Flegonte, yic'ot Hermas, yic'ot Patrobas yic'ot Hermes yic'ot yamb_Λ hermañujob ya' b_Λ añob yic'ot.

15 Aq'uen saludos je'el Filólogo yic'ot Julia yic'ot Nereo yic'ot x'ixic b_Λ i yijts'in yic'ot Olimpás yic'ot ti pejtyelelob hermañujob ti Cristo je'el ya' b_Λ añob yic'ot.

16 Aq'uen la' b_Λ saludos. Chucben la' b_Λ la' c'Λb. Ti pejtyelel hermañujob ti Cristo ti ba'ical jach mi' much'quiñob i b_Λ mi' chocbeñetla ty_Λlel saludos.

17 Hermañujob, ti wocol t'an mic subeñetla, ña'tyanla majchqui jini yom b_Λ i t'oxetla. Mi' jop' i y_Λsañetla ti mulil. Ch_Λncol i contrajiñob jini t'an tsa' b_Λ c_Λntis_Λntiyetla. Mach yom mi la' much'quin la' b_Λ yic'otyob.

18 Como jini mu' b_Λ i cha'len bajche' jini ma'an mi' cha'leñob bajche' yom lac Yum. Pero che'

jach mi' cha'leñob bajche' bajñel yom i pusic'al. Ti uts b_Λ t'an yic'ot c'otyajax b_Λ t'an mi' lotiñob quixtyañujob mach b_Λ ba'an mi' ña'tyan mi simaroñob.

¹⁹ Ti pejtyelex quixtyañujob mi' lu' ña'tyañob bajche' ti la' ch'ujbibe i t'an Dios. Jin cha'an tijicñayon cha'añetla. Com mi la' c_Λn jini wen b_Λ cha'an mi la' cha'len wen b_Λ. Mach com mi la' c_Λn la' cha'len mach'Λ wen.

²⁰ Dios mu' b_Λ i y_Λq'ueñonla i ñach'ty_Λlel lac pusic'al mach jalix mi quejel i jis_Λben i p'_Λty_Λlel Satanás cha'an ma'ix i bej ty_Λc'lañonla. La' ajnic la' wic'ot i yutslel i pusic'al lac Yum Jesucristo.

²¹ Mic chocbeñetla ty_Λlel saludos Timoteo, jini c pi'Λl ti toñel. Che' je'el Lucio yic'ot Jasón yic'ot Sosípater jini israelo' b_Λ c pi'Λlob.

²² Joñon Terciojon ch_Λncol b_Λ j cotyan ti ts'ijb Pablo cha'an ili jun, mic chocbeñetla ty_Λlel saludos ti lac Yum.

²³ Mi y_Λq'ueñetla saludos Gayo, i yum ili otyot ba' poj jijlemon yic'ot ba' mi' much'quiñob i b_Λ ochemo' b_Λ ti' t'an Dios. Mi y_Λq'ueñet saludos Erasto jini am b_Λ ye'tyel ti tesorero cha'an lum. Yic'ot je'el, mi y_Λq'ueñetla saludos lac hermano Cuarto.

²⁴ La' ajnic i yutslel i pusic'al lac Yum Jesucristo la' wic'ot ti la' pejtyelex. Amén.

I subentyel i ñuclel Dios

²⁵ La' lac suben i ñuclel Dios. Dios ch'ujbi i más xuc'chocobeñetla la' pusic'al che' bajche' mi y_Λle' jini wen b_Λ t'an cha'an laj coty_Λntyel tsa' b_Λ c subeyetla che' ñac tij c_Λntis_Λy_Λetla cha'an Jesucristo. Mi' xuc'chocobeñetla la' pusic'al bajche' mi

y_Λle' Dios ti i t'an max tyo b_Λ ti y_Λc'_Λ ti tsictiyel ti yamb_Λ ora c'_Λl_Λ ñoj oniyix che' max tyo ti mejli mulawil, c'_Λl_Λ wale.

²⁶ Pero wale tsictiyemix jini t'an ti Ts'ijbubil b_Λ i T'an Dios tsa' b_Λ y_Λc'_Λ i ts'ijbuñob winicob tsa' b_Λ xiq'ui y_Λle' Dios ti ñoj oniyix. Dios, jini cuxul b_Λ ti bele' ora, ti' xiq'uiyob quixtyañujob cha'an i puque' majlel ili t'an cha'an jini am b_Λ ti pejtyelel pañimil mi quejel i ch'ujbiñob Cristo yic'ot mi' jac'beñob i t'an.

²⁷ La' subjic i ñucl_Λl Dios jini cojach b_Λ, jini am b_Λ ti pejtyelel ña'ty_Λbal_Λl. La' subjic i ñucl_Λl ti Jesucristo c'_Λl_Λ ti bele' ora. Amén.

Jini wen b^Λ t'an
New Testament in Chol Tila; ctu (MX:ctu:Chol)

copyright © 1976 Wycliffe Bible Translators, Inc.

Language: Chol

Translation by: Wycliffe Bible Translators

Contributor: Wycliffe Bible Translators, Inc.

Chol, Tila [ctu], Mexico

Copyright Information

© 1976, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Chol

© 1976, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-03-17

PDF generated using Haiola and XeLaTeX on 11 Nov 2022 from source files
dated 29 Jan 2022
d90ef338-c9d2-52d6-8860-8085bf107fc1